



08054

宋學士全集卷之二十九

明宋濂撰

同郡後學胡鳳丹



辭凡三十八章

思媿人辭

吾鄉呂成公實接中原文獻之傳公歿始餘百年而其學殆絕濂竊病之然公之所學弗畔於孔子之道者也欲學孔子當必自公始此生乎公之鄉者所宜深省也嗟夫公骨雖朽公所著之書猶存古之君子有曠百世而相感者況與公相去又如此之甚近乎聞而知之蓋必有其人矣託物引類作思媿人辭辭曰

卷二九

宋學士集

退補齋藏板

惟媿人之惜媿兮賦姱質於自然修蛾規而凝黛兮曼目轉以成聯妥鬢髮而如雲兮厲輔巧以承權纖腰秀頸若鮮卑兮容都曼而體便娟寶璐縈而右繞兮桂徽嬾以半偃懸明月以綴佩兮錯木難而傅冠向瑤臺而微步兮意愔靜以貞閒宓妃之倫折芳馨以相遺兮復容與乎江干勢翩翩其襄舉兮若游龍之在淵胡人閒不可以久留兮逐凌厲乎高寒馮道

紀以爲御兮鍊天和而爲餐徑驅馭於陽陰兮時上  
下乎星辰款予生之何晚兮不一覲於芳儀念姱婁  
之鮮雙兮邈迴颺而曾思歆愁悴而委惰兮氣滄澗  
以如炊道苟可以邈之兮視萬里猶門墀登嶇嶇而  
騁望兮正晨旭之蒼涼氣曠豁而闔朗兮莽山川之  
縱橫樹輪盤糾而柴僂兮蘋草藿靡以相望豐狐思  
羣而永嗥兮文鶴慕類以徐翔企精爽之不徠兮空  
雲龍之將將蹇佗僛而望絕兮耀靈留其西藏降崇  
丘而臨曠野兮循故轍以東歸向闌楯而徙倚兮境  
外嬰而愁內滋新蟾皎以出天兮想纖美之曲眉繁  
星爛而成文兮懷繡帔之陸離蒼瀨灑落而無滓兮  
思玉體之弗緇拂蘭袖而起步兮復經緯乎空庭苦  
鴻鴈之靡靡兮厭羽蟲之薨薨撼戶櫳以悲惻兮惕  
厭容而弗自勝轉曲牖而入堂壇兮胖獨坐對乎華  
鐙鐙影搖曳如鳥旛兮象中心之靡寧寒厖狺狺而  
競吠兮耳恍聞於楚音疾倒屣以啓關兮飈鬪葉於  
枯岑縹綿綿而莫抒兮託幽寄於瑤琴琴聲咽而思  
深兮類孤鶴之鳴陰更寂莫以將闌兮斗杓旋而向

卷九

宋學士集

二

退補齋  
藏板

東舒枕衾而就榻分期夢寐以潛通精氣注以弗釋  
兮橋有物而衡中息纏纏以方微兮魂翕翕而上征  
造旬始而謁太儀兮羣靈續其若叢氛旄溶以隨焱  
兮鳳旂沛而嬰空馭象車而秉虬節兮鞭列缺以斥  
豐隆豹轟熊幡聿皇以奮兮樛流紆譎鬱以相蒙左  
攜右衛動以縹張兮倏伸倩瀏雲瀚而雷春回穴幡  
纏汨以崑歛兮吸噀滂率藹以蒙鴻穆眇眇以前邁  
兮翩紛紛而弗止莽冥冥以無垠兮勢皇皇而迤靡  
超氛埃而淑郵兮竟按轡乎朱陵長麗舉噉以向日

卷十九

宋學士集

三

退補齋  
藏板

兮有赫戲之華文揚芒燦以上焱兮粲重離之丹門  
炫赤玉之寶章兮列八龍之威神歛東趨於蒼極兮  
青瑀紛其並迎羣神衍衍以方饗兮奏靈和之鳳笙  
四酎芬而凍飲兮暈玉色而帶頰揖素威以升皓宮  
兮盼四極之浮浮尋收顧余而破顏兮錫鏤瓊之華  
鉤謂貞白以自守兮合左契於伊周折寒門而燭元  
冥兮朔颼颯以吹裘有夫黃巾而擐甲兮握靈蛇以  
爲驅重陰沍而未啓兮肅紫氛之幽幽四方非不可  
居兮悵所思之莫余都馳兩轂如飛丸兮又滔滔而

遐逝靈氛告余以吉故兮予何爲兮獨悲若彼中天  
之有居兮隔人世之風雨吾將導子之一至兮庶弗  
愆於恆素悃忽荒以從之兮駕剛飈以徑度留光炎  
之炳炳兮緜纏鬱決而不可正視瑀瑩彤檻旆杳以軋芴兮  
起兮瀏濫弘恂雲譎而波詭連卷櫬旒杳以軋芴兮  
歲魁幼眇蠹以高峙中洞房之沕穆兮乃熾人之攸  
居使曼姬爲予通訊兮儼再拜乎堂垂留朱扉之洞  
開兮移玉趾之委蛇珠明玉潔不足以爲喻兮光照  
耀乎東西吐芳辭以若蘭兮意勤勤而告余曰皇降  
靈兮昭質弗沫毋染爾穢兮昧厥施紉葯禱兮曳莖  
旃結蕙纒兮張椒幃勺桂漿兮嚙蓀麋索胡繩兮畦  
揭車集眾芳以遠蒸兮羌郁郁而斐斐余俯首而敬  
聽兮書鞶紳以自規海色動而報曙兮陶去幽而開  
寤雖嘉辭之盈耳兮邈若人其何處遂捫膺以沈思  
兮顛獨處而繚戾也誠因言以會心兮將神交於千  
載也亘天地而無初終兮惟我民之秉彝道弘敷於  
上下兮必有人而繫之往者固不可作兮幸方冊之  
昭如日參驗於厥躬兮若面命而耳提跛鼈之嬰姍

卷十九

宋學士集

四

退補齋  
藏板

兮固難齊於六驥能孳孳而弗怠兮亦千里之可至  
余雖質齷而力單兮敢不沾沾而奮厲帶鈞矩而佩  
衡兮撤部蒙而祛罽期有形以必踐兮始俯仰而無  
媿縱不得媿人以與之游兮又何異同功而並世既  
爲此辭嘗錄一通寄王子充子充蓋有志同子  
學呂者書以識之庸俟異日各考其學之成也

### 青山辭

青山崔崔白雲溶溶我疑其中仙人所宮鳳馬雲輿  
霓旌羽幢游行太空翩然相從望而不見使我心忡  
我本金華牧羊之童口誦藁笈有聲如鍾震撼岩壑

### 卷十九

宋學士集

### 五

退補齋  
藏板

無礙不通謫居下土黃塵濛濛五色之文布滿西東  
秋高路清陟彼危峯呼吸元氣精神內融嘯傲萬物  
後天而終

### 雲中辭

黃巖有奇士曰許君弼其字廷輔治周易煜然以文  
名會天下紛擾輒被鐵衣操虵矛集兵以禦寇尤能  
挽強命中眾初弗信君設正鵠一百八十步外挾弓  
矢以往轟然一發輒中之乃皆歎服由是多驅馳戎  
馬閒及天兵取台州四方次第大興文治建科目

以取士君慨然曰聖天子在上可以出而仕矣起應  
書鄉闈遂取浙江第二名尹文解去通判沔陽府刺  
煩劇如庖丁解牛恢恢乎世亦而有餘地已而復慨  
然曰予家之東有委羽山其高摩天委羽之下又有  
桃山焉羣峯相與回環日未出常有雲氣起其閒縹  
緲輕盈如兜羅綿籠罩崖谷如翔如舞絕可愛玩有  
時下覆欄宇覺此身飄然在雲之中恍欲逐黃鶴仙  
人吹簫而往來也第以君恩未報不敢決去他時髮  
種種當掛冠而歸與雲爲朋姑以雲中生自號蓋以  
表其志云夫雲之爲物出乎太虛歛然而有忽然而  
無其變幻有不可測者當長空晴妍紆徐其興結而  
爲祥鸞散而爲綺霞其文采郁如也及其黠黠鬱勃  
鍊馬長驅雷電爲之恍惚而甘霖注焉嗚呼雲哉何  
其有類於君也然非雲之類君實君有取於雲也樂  
繁華者贈勺藥以相娛務高潔者貯秋菊以爲糧物  
何嘗有心而人自強同之爾予方與君談雲中之趣  
君忽昂然而來顧予言曰卿知誦予之文久矣盍爲  
賦雲中辭乎予聞君襟韻洒落得喪一歸於天故其

顏四時無憂色其號爲雲中也亦宜爲之辭曰委羽  
之山兮雲薄之勢輪囷兮復慘嗟膚寸而合兮既合  
而復離不崇朝兮雨渺瀟瀟兮雲之歸之功泚泚  
兮邈難知嗟爾雲中之人兮胡不爾思或出兮或處  
兮恆與雲以相期

協晨中寥辭一首

鬼谷仙人畫列禦寇御風圖以獻其師四十二代天  
師真人真人號沖虛子而唐封禦寇之號實曰沖虛  
此其圖之所以作歟濂竊觀之髯松奮張有風冷冷

卷十九

宋學士集

七

退補齋  
藏板

然起於其中霞光發舒閃鏗無定禦寇方乘颺回旋  
龍裳鸞帶凌亂不可止遙見神山隱起大瀛海上旭  
日一點如火海濤噴薄迎之濺沫而舞珠景物遼曠  
令人情塵銷賈直超鴻濛間嗚呼仙人之畫奇絕矣  
蓋以媿真人非果在於禦寇也真人或飛神上謁太  
清排空馭氣靡所不之將真人之似禦寇乎抑禦寇  
之同真人乎是未可知也濂因造協晨中寥辭一篇  
真人或咏於淵精之區九都眾眞當有彈八瓊太瓊  
來和之者庶幾後天而終可以凋三光者乎至若禦



寇寓言旬有五日而後反者微旨已備見其書茲可  
畧云辭曰帝青洞眞陽太颺恆鬱敷凝神歛上征行  
與瀾氣俱飛輪入溟滓九光開翠琴腰佩白琥囊吻  
薦紫琳腴曲龍有丈人持節下明都噉以八辰祕攝  
御萬象初陟彼方文臺大招許瓊暉廓落黃濱烝陽  
堂明梵樞開明戊己功幽契曲晨機羲娥俯倒景流  
光駐熙夷靈集動千載視之若斯須稽首方諸君同  
餐燕胎芝請授長生籙浩劫以爲期

予老矣諸書皆忘去此卷雖久留齋中不克題就今

卷十九

米學士集

八

退補齋  
藏板

日退朝稍早逍遙禁林涼颺飄飄然吹衣神情爽朗  
有若憑虛而行歌天上遂濡毫賦此他日煉丹仙華  
山中九轉成功當與沖虛神游入極握手一笑何翅  
三千年也

碧崖亭辭

濂與太常卿魏觀先生游甚久知其爲孝敬之人也  
先生閒嘗來謂濂曰予家鄂之蒲圻蒲圻有山曰蒲  
首焉巉然而起如雲旂翠蕤蕩摩空濛開對峙雙石  
楹直上如筍中做碧崖千尋嘉卉靈草雜被之紛紅

駭綠儼如圖畫中我先人愛玩而不忘日支筇步其  
下或濯纓澗底或咏詩坐盤石上或望雲出沒崖谷  
悠然而忘返遂因以碧崖自號時移事遷層崖絕壁  
雖蒼然不改於舊而先人則追逐羣仙於風馬雲輿  
中弗能一見之子每過其下不覺潸然出涕故於宦  
游所至揭碧崖之名於楣間所以志之志之所以思  
夫親也雖然名之固寓也而言之則尤寓也曷若親  
履其地而求先人之遺跡乎當今聖人在上方以孝  
治天下他日幸遂歸田之請築亭山麓仍以碧崖名

卷十九

宋學士集

九

退補齋  
藏板

之當風曰清美與二三子游其間指而言曰彼清泉  
瀏瀏而斜出者此先人濯纓之處也磐石纍纍而可  
坐者此先人咏詩之地也崖谷沈沈靈氣之宣通者  
此先人望雲出沒之所也一俯一仰無非精神之參  
會非惟慰其遐思抑將藉是以勵夫所學期克肖乎  
先人子雖耄矣此心不敢忘子幸爲辭刻諸亭上何  
如濂曰傳有之舜食則見堯於羹坐則見堯於牆古  
之上聖猶若斯況下於此者乎人子之於親遇事觸  
物無有不可感勵者況親之昔日所游歷者乎斯亭

之建當與甄氏思亭並稱其視崇臺芳榭以騁游觀  
之娛者果何如也若先生者豈不爲孝敬之人哉先  
生字杞山觀其名也學問富而德行修踐揚中外其  
善政蓋章章云辭曰

崖之雲兮英英其升崖之木兮欣欣其榮悵仙人兮  
何之颺風薄而上征豈降精而委祉兮發爲休徵三  
秀之茁兮膏露之凝渺長思於無窮兮視一息於千  
齡金可銷而石可泐兮又焉能爽吾之精誠

著存軒辭

并序

卷二十九

宋學士集

十

退補齋  
藏板

瑞安裴中季和以學行推舉典簿成均扁其軒居曰  
著存不忘乎親也御史中丞劉君伯溫嘗爲賦詩以  
寫其情予復師伯溫之意演爲琴操三解使季和援  
琴而鼓之琴悲而不成聲聲信不能成也嗚呼孝子  
之思親果有終極否乎其辭曰

人孰無親兮我親歸於黃土六合之間兮莫過我最  
苦風獵獵兮成音雲族興兮晝陰我親何在兮涕泗

霑襟

我親雖死兮我心不死開目則見兮威儀孔邇何俟

當祭兮始如見之彼蒼者天兮悠悠我思

求親冥茫兮曷求於身我身卽親兮一體之分戰兢  
保持兮厥德常新毫髮不敢愆兮懼傷乎親上慎旃  
哉兮此謂著存

孤憤辭

中州人士有無罪而被廢斥者識與不識咸寃之濂  
因本其志爲著孤憤之辭使世之用法不愼者讀焉  
其或知所懼也夫辭曰

哀予生之匪淑兮耿鬱紆其誰語恐此心之難自兮

卷九

宋學士集

十一

退補齋藏板

假微詞以自吐曩有志乎學古兮指前修以作則非  
秋蘭奚敢紉兮非申椒吾焉食仗所履之正直兮謂  
無施而不可悲世塗之嶮巇兮留獨中茲危禍胡萋  
斐之小文兮竟成之於貝錦剛指方以爲圓兮揆人  
情爲已甚伊翩翩之公子兮余素得而友之握手以  
示肺肝兮若斷金而弗疑何中心之多變兮一旋踵  
而弗予識旣擠予於坑窞兮復彎弓而下石汝面目  
之無怍兮曾何謀之弗深縱禍予其曷傷兮吾懼戕  
汝之良心覩日月之光昭兮聞雷霆之隱耽予固不

足畏兮汝寧不畏於天天道微而難索兮斯焉足以  
責汝彼黃鳥之嚶嚶兮猶求友而弗止將七尺之美  
軀兮乃一禽之不如予固約結而罔措兮又爲汝而  
歔歔嗟愛命之蹇僂兮豈獨汝之爲尤蛟龍鬪於深  
淵兮寧無損於鱗鱗汝雖不我陷兮予安往而逃囚  
唯飲泣而無所訴兮傷予罪之不當蒼天之至明兮  
獨不鑑我之幽枉叶於皎皎之白璧兮僉訾其爲燕  
石也纖纖之素縞兮反謂其如玄漆也欲力詆以深  
文兮其奚患於無辭咎繇之不吾出兮眼有淚而誰

卷十九

宋學士集

七

退補齋藏板

知誓剖心以自明兮念父母之所遺苟雉經於溝瀆  
兮慮君子之見嗤夜漫漫而不旦兮悲風颯其四來  
秋蟲響於空堦兮似助予之悲哀六合之至廣兮實  
一身而無所魂悅悅若有忘兮雖生存而如死昔公  
冶之所遭兮夫何有於不仁在縲絏而非罪兮亦魯  
叟之所稱果自反而弗疚兮縱遇辱其如榮浮雲過  
而日潔兮春冰釋而水清外累不足以爲懼兮懼吾  
德之未明意欣欣以超絕兮振冠纓而起行取瑤琴  
以彈之兮有和衍之新聲樂天命以自度兮究年歲

而不再更

李都尉字辭

皇上卽位之九年以順德公主下嫁於太師李韓公之子駙馬都尉祺初祺小字爲總至是詔曰其易以美名翰林諸臣乃定令名以進且字之曰子祺旣而子祺請曰祺之名實定於先生祺於先生少嘗受業有師弟子義將何以教之余惟一代之興必有元勳厚德之人出於其閒始則佐帷幄決勝負終則坐廟堂而贊治化成大功而享榮名爲國家之柱石係天

卷九

宋學士集

三

退補齋藏板

下之重輕若漢之蕭鄼侯宋之趙韓王皆若是矣至於連姻帝室若今太師則未之有也今太師極人臣之尊爲上公之貴而都尉子祺獨能好學慎行敦厚下人發爲篇章動有意趣是可謂富貴而好禮又難能也祺之爲義爲祥爲吉子祺固有以致之矣爲字實宜雖然尙父有云敬勝怠者吉此守位之事也敢以爲勉焉辭曰

氣合運凝天地載清君聖臣明以階治平惟臣謂誰實時元老運籌建畧致天之討四方旣帖乃戢干戈

執政廟堂如漢蕭何匪惟執政胙以大國丹書金券  
俾首百辟爵則崇侯職則太師左右天子以鎮藩維  
藩維既安君臣交歡上降下承煥乎榮觀彬彬都尉  
大寵是膺太師之子天子之甥際茲風雲依彼日月  
侃侃都尉不自矜伐文駟錦衣其儀孔都出入金門  
不敢笑譁蹶蹶公子交趨競諾都尉屹如山嶽  
斯時之人以恩爲祥祥則旣多惟敬乃將都尉之名  
曰祺是命何以承之告爾克敬庶民不敬且潰乃家  
況茲世臣不敬謂何凡人有身咸有嗜欲敬以攝之

卷九

宋學士集

西

退補齋  
藏板

形莊氣肅自身而推孝親尊君動無弗敬乃有譽聞  
敬勝者吉古有弘訓敬以承祺萬福咸順爾克敬矣  
罔弗盛矣爾之祺矣罔爾違矣太師之勛山崇川長  
敬哉勿忘以繼耿光

馮擇善都督字辭

賜議文其始此語出入金

自昔帝王啓跡之地天必儲精聚靈使英雄謀畧之  
士生乎其間以備其驅策而佐其設施及大業旣定  
爵號之隆冠於當世褒寵之澤流於子孫若漢唐之  
豐沛晉陽君臣同沐蓋蔚乎其盛矣今上皇帝龍飛

江淮光啓神祚於時文武才俊鷹揚虎躍或秉鉞出征或執筆帷幄率多江淮之人論功剖符公國侯郡者以數十計若郢國馮公其一也郢公定遠人初從上爲帳前總制親軍都指揮使立功草昧時不幸早卒及上卽位追爵爲公命其子誠侍青宮執業讀書及誠旣冠三擢遂僉大都督府事而誠之季父初龔郢公職累建大勳亦啓封宋國一門二公誠又位在樞府敏事慎職爲上信任天下榮之誠篤好問學能爲詩章以嘗受學於予聞來請曰誠之字曰擇善未達其義願有以教之乃爲之辭曰

卷十九

宋學士集

五

退補齋藏板

江淮之間眞主生焉乘風附雲實惟英賢侃侃郢公熊虎之姿大劔良弓指麾義師孰與其才不賦以壽騏驎萬里債於中道壽雖不延有弟克膺有子克承以宏厥聲烈烈宋公爲郢公弟惟都督誠又克爲子爲他人子名實易稱保國承家厥惟難能上則天君下有眾庶苟弗以誠曷以宅位惟誠之德貫通於天何感弗應何鬱弗宣天以至誠庶物乃育三光無愆四序靡瀆苟或不誠宜暑而寒人其怨嗟歲功斯殫



況我伊人不誠其可矧爾世臣爵祿是荷爾或不誠  
民胥爾尤誠而無擇爲僻爲謬古訓孔多維人攸踐  
我將曷從維擇其善惟忠與孝則允蹈之維悖維惡  
絕而弗爲蹈之匪艱服以悠久木升川增山立海受  
旣擇眾善乃立爾誠乃保厥家乃篤鴻慶以之事君  
爲臣之良以之立身爲邦之光匪光於邦丕爾先人  
郢公有子聖主有臣

張孟兼字辭

并序

國子錄張君生於歲戊寅正月六日以歷推之是月

卷二十九

宋學士集

去

退補齋藏板

九日始入春則中氣猶居丁丑年之冬其大父府君  
因以丁命名張君旣長聞人先生字曰孟兼者何  
謂臨二歲之中也夫丁在十母爲火戊則土也火爲  
文明之候非不煜然有光必變而爲土然後生物之  
功遂張君以辭章名世今將刊其華而食其實乎雖  
然丁離象也戊坤象也離上而坤下於卦爲晉彖有  
之明出地上順而麗乎離明柔進而上行張君又將  
自此而升乎方今聖人御世治具畢舉張君益昭其  
明德發爲人文以黼黻王度物有不資其成者乎是

則兼之之義已或謂殷人尚質多以十幹名其與府君之意則寬然殊也張君浦陽人有學行與濂爲同門朋辭曰

戊爲子丁爲父火得爲土百物之所祖能兼之道爲

伍 趙廣字辭

浦洎趙志道氏衣冠之望族也有子曰廣來求予爲之字予謂廣之文從广從黃广則因厂爲屋象對刺高屋之形而黃則諧聲也許慎以屋之大者爲廣實有容受之義焉請以子容字之何如志道曰善矣乃爲之辭曰

人之隘也爾則廣之人之拒也爾則容之惟廣惟容吾將見爾德之豐

鄭仲昭字辭

詩云倬彼雲漢昭回於天說者謂雲漢天河也夜晴則天河明其光隨天而轉也雲漢然矣揆於心之靈明其有弗同者乎予友浦洎鄭君以漢爲名內翰柳先生字之曰仲昭聞來徵予言予聞制字必有祝於

是稽諸詩義而補之以辭辭曰

五禮攸建冠爲之先備物祇事無一或訾茲期宿賓  
列器布筵弁閒皮爵裳錯黃元組纓屬缺鞅韜用延  
尊罍有禁栢觶斯甄離肺充鼎乾肺實邊嘉爵既祭  
工祝乃傳造字命辭厥義則宣維天有漢灑氣成川  
衝角奠軫貫乎宿躔夜翳既歛若練在縣隨時運行  
素色連娟徵諸人心同此皦鮮森列萬象徧燭八埏  
出王游衍與天周旋有媿鄭君世胄蟬聯十世同燭  
義聞四傳君實續之僉曰象賢圖之回之家政爾肩

卷五

宋學士集

六

退補齋  
藏板

秦之昭之先緒愈綿惟廉則礪惟溫則瑄處乎正中  
有赫其平漢名昭字佩服允堅一理是循顧諟匪偏  
相彼先民日夕乾乾一事或悖六鑿相挺君宜自勗  
弗懈益虔器服有銘在古則然敢補祝辭以代韋弦

黃瑄字辭

命

辭

美

明

宣

辭

天

宣之爲文上從一而下從二從回乃取風回轉以宣  
通陰陽之義尋復借爲布爲緩爲明爲徧不一而足  
若加之以玉則又爲瑄蓋玉則象形宣則諧聲也爾  
雅云璧八六寸謂之瑄漢代郊祀則有司奉瑄玉而

瑄又通作宣然則瑄玉者亦玉中之最貴者歟先師  
黃文獻公之嫡孫名瑄濂因字之曰伯宣且昺之曰  
天地之間貴者爲玉賤者爲石石譬則小人玉譬則  
君子也爾瑄出自瓊瑤之林人固曰此玉也非石也  
玉則玉矣曷益之以礪琢之功乎不然則玉徒玉爾  
器云乎哉雖然器幸成矣復局滯於一而未能無施  
而不當也瑄乎瑄乎其用是而自昺乎嗚呼文獻公  
藏器於身出而薦諸郊廟非特器而已也有如辟羨  
起度凡諸玉之用規矩皆自其中出爾瑄慎勿愧之

卷九

宋學士集

九

退補齋藏板

瑄乎瑄乎其用是而自昺乎濂老門人也故於瑄不  
敢褒而敢箴系之以誦曰

璧大爲瑄孕諸石孚尹夜氣吐秋魄薦郊奠廟神鬼  
格其儀夙出犧與帛媿義配名到幽蹟爾性爾繕靡  
朝夕子言服膺宜無斃

臧士幾字辭

臧君哲字曰文濬密人也以儀曹屬時詔爲司隸然  
其爲人秀穎而嗜學賢士大夫愛之頗謂其名若字  
皆盛德事殊非所以自稱蓋更之君來請於予予摘

程子哲人知幾之義字曰士幾幾者善惡之發榮辱之主也可不慎歟慎之如何誠而已矣作字辭辭曰心神變化乘氣機弩牙旣幹鈞石隨或黑或白迺異歧君子防之樹城隍巖以金鼓列旌旗百體從令志則熙尙慎旃哉無殆而辭志出歟合甚願更辭不勝

棘園黃仁淵靜字辭

有序

建安才俊士曰黃生名汶仁負超羣之資朝出受易於部使者陳孟龍至暮抵舍復質所疑於仲父居德亦奇男子年十六時中私試高等諸老生不中諱於

卷九

宋學士集

三

退補齋藏板

庭居德因請面試上官前諱者執筆不能下面頸發赤以出以故生內外皆得師學之日進如水湧雲集洪武辛亥秋有司賢之以生名上福建行中書試藝棘闈八府之士充貢者二百而司文衡者又前進士林以順吳尙志郭麟江惟志也取舍甚嚴或懼不獲在茲選及榜出三十人中而生名居其四遂爲易經諸義之冠生之年始弱齡耳明年會試南宮銓曹急於用才不俟再試擢奉常贊禮郎階入八品有識之士無不爲生榮雖余亦愛生甚時以問學場之生因

執經從余學聞拱手而言曰仁初名文仁有司授例以文犯周西伯之謚加水於其左及解名上中書吏以白右丞相汪公公曰仁之義甚弘無所不包其可冠以汶字乎宜去之先達因取魯論仁者靜之言字以淵靜願先生詳發其義嗚呼考亭朱子釋此至矣余何以言爲雖然不可無以啓生之意生之賦資固超羣而求仁之方不可不力也爲序其事而申之以辭曰

仁體凝重屹弗遷振古雄峙如山然生意周流踵至

卷十九

宋學士集

三

退補齋藏板

顛一息有虧用則愆爾生心澄靜若淵萬象森列具不偏返觀沖漠無後先其機或動矢發弦雲行雨施出自天神功不宰超虛玄全體大用昭以宣上師周孔下淵騫縱不及聖肯下賢流光不駐若電煽生其夙夜加勉旃

張肯字辭

古者冠而字敬其名也三加之後必爲字辭以祝之或稽於經或據於史凡可以繕性視身者無不可也由此觀之非惟敬其名抑且以敬其身能敬其身則

成人之道具矣姑蘇張君芸已敦實有學之士也嘗  
名其子曰肯又以繼孟子之蓋取書大誥之義也雖  
加冠於首而未有爲之辭者謂余補之余雖弗獲從  
大賓之後與聞酌醴之事然與芸已友也輒陳所見  
而告之其辭曰

冠禮之重爲敬其名苟非其人禮弗虛行伊張氏子  
世傳以經名子曰肯厥義則宏吾爲爾陳聳耳而聽  
有法於先爾基爾楹有苗於前爾播爾營勿違厥時  
必將必迎勿閔其成載厲載興茲爲善繼父事是繩

卷十九

宋學士集

三

退補齋  
藏板

前者有作後或匪承此謂悖則溺於淪冥規旣我蹈  
矩復我程此謂順德令譽日增二塗之間美惡所形  
擇善固執弗撓而傾況爾秀穎如稼之青翹然獨異  
如木之榮椽梁斯任倉困載盈上慎旃哉學惟烝烝  
余言止矣爾其服膺

大寶王宗器字辭

王生璉字宗器其先太原人今家濟南之長山器局

沈凝而學問精密洪武五年以易經舉進士山東名  
列第三旣上南宮未試皇上召見便殿親命題賦詩

詩成稱旨擢史館編修賜以冠服選入禁中文華堂  
肄業詔翰林老臣爲師同時而進者凡十又七八車  
駕時臨策勵之且取其文品評其優劣日命光祿寺  
給膳羞酒漿每當食青宮賢親王迭爲之主而璉等  
侍飯於左右冬夏賜衣各一襲復有白金弓矢鞍馬  
之頒蓋不一而足近又使璉攝御史廉察河南迨歸  
奏對益稱旨上悅謂近臣曰文華堂諸生如璉等者  
皆朕異日將相材也其期望之重如此璉嘗從余學  
故來以字辭爲請予因序璉遭逢之盛於首而著命  
名制字之義於辭璉能聽之必上不負於國恩下不  
負於所學矣辭曰

卷九

宋學士集

三

退補齋  
藏板

宗廟之器貴重實殊夏有四璉殷稱六瑚周云八簋  
異名同符其貴斯何珠玉爲飾其重斯何盛以黍稷  
嚴奉明禋神鬼是格惟端木氏才堪三卿文章外見  
以言語稱汝器見許載諸聖經今生旣長局度純亮  
發爲辭章大河奔放器字璉名父師所望出逢盛治  
講學禁中天日照臨以煦以融以達其衷用廓其蒙  
學之茂矣川之流矣材之秀矣木之修矣蚤夜孜孜



唯道是求矣豸冠巍我巡行洛河貪夫夜逃良士笑  
歌君子之爲君子之多學無止功勿畫斯善辟彼行  
塗足不留踐百里至千所見逾遠志安於近行局一  
偏笙罔爲鏞豆難充遵規模卑狹世則病旃德藏於  
身動無不被厥用能周由體斯具生尙曷焉庶幾不  
器

王生致遠冠字祝辭

虎林王生其幼也父命之名曰驥及年寢長加元服  
於首大賓字之曰致遠蓋取梁徐勉所謂人中騏驥

卷九

宋學士集

語

退補齋  
藏板

必致千里之言也按說文驥千里馬也孫陽所相者  
其字從馬冀則諧聲夫千里馬不常有以謂世之奇  
才亦未嘗數見也以生名若字觀之則父師所期望  
者不亦深且長哉予雖不及與聞三加酌醴敢抽燕  
思而弘敷其義生宜聽之母忽其辭曰

古者體物取義孔殷麟紀其瑞鳳揚其文表厥茂實

載敷清芬

其一

惟馬之族本非一類八只爲龍千里曰

驥因生有別挺材見異

其二

伊驥斯何墮地不毛虎文

彪炳龍骨陂陀天機趨騰絕山飲河

其三

當其奮飛神

行電逝若滅若沒一日千里晨燕哺越視同游戲其四

誰其似之渥洼之姿肉角飛黃逸氣纖離天閑翱翔

玉臺裴回其五奚官善馴是澡是拂秣以美薦飲以香

粒筐惡蠶溲慮無弗及其六物尚有茲人胡不如天賦

權奇孰不自攄口噴紅光長鳴九衢其七豈無王良俾

其振迅未必鹽車能厄神駿三羸五驚過者誰問其八

生游藝府逸思超羣弱水為神製霞作文亦既應書

名達帝宸其九侍經藩王出入禁籞宮袍時頒太官致

餼寵賚之隆揆古無愧其十以利天下易經有辭取譬

叁九

宋學士集

善

退補齋藏板

奔蹏漢詔以之任重道遠生寧勿思其十一曷以思之

朝夕兢惕匪力足矜所稱惟德予言非誣曷之無斃

其十二

宋惟善字辭

宋氏自京兆遷汴又自汴分遷吳興虎林虎林有名

善字惟善者實承其後吳興則再遷金華而予之遠

裔也予與惟善為同宗予侍講禁林日惟善以學行

貢諸朝皇上親擢為給事中朝夕在帝左右時被顧

問恩寵有加焉已而兼靖江王府錄事擢監察御史

改知濟寧府未上陞參山東承宣布政司政事子與  
惟善爲同朝瀕行惟善來言曰善以字辭爲請已二  
年矣叔父文墨之冗日弗暇治因未敢累執事今將  
有遠行叔父寧終靳一辭乎子笑曰惟善通書工辭  
章經緯參伍燦然成文持節行州縣彰善瘴惡又愜  
乎物情是文學政事舉勝於人縱子有言將何有裨  
於惟善乎惟善請之益力子不能牢讓因稽其命名  
制字之義綴之以辭辭曰

陰陽迭運道寓其中繼之者善性成乎躬其善伊何

卷三九

宋學士集

美

退補齋  
藏板

化育之妙陽行陰具萬理樞要是曰天道體用弗遺  
式昭化源用樹學基有倬君子夙著徽美內功既加  
外聞益侈積久發弘上簡帝衷峻爵窮官日致顯融  
君恩如天無不覆熏昧思之非忠莫報往佐方嶽  
審其政機大見設施春煦秋威孰滯盍疏孰蠹盍剪  
孰才盍登自邇及遠此非外鑠實善之推成已成入  
庶其在茲我著我辭徵厥名字揭諸座隅以示籤史

補張馮加冠字辭

有序

瑞安張生馮宋金部郎中聲道諸孫也以文學薦於

朝擢奉常贊禮郎奉常所典祀天神饗人鬼祭地祇  
之禮其責任爲甚重馮能周旋佐助而無越禮愆度  
君子稱之馮當冠時大賓字之曰子翼而未有造祝  
辭者邇來監祀廣西行中書省參知政事黃君子豈  
嘗爲推說字義而序之馮事子頗謹聞復以祝辭爲  
請予按士冠禮載其三加之辭甚具辭古也而字說  
則今也子雖不敏弗能從大賓與聞制字之義馮之  
意難固拒也遂勉以補其辭辭曰命馮子翼以翼  
冠而有字爲敬其名曷爲敬之期學之凝學將焉施

卷五

宋學士集

三

退補齋  
藏板

莫重夫祭大輅之受因神所致孰有賢行慎擇爲尸  
豫撰厥几庶堪馮依豈惟佐食宿有命戒皇尸戾止  
益虔弗懈侃侃工祝左承右趨旣贊道之復扶助之  
馮之謂何如神斯據翼之謂何如鳥展翅百靈繽紛  
儼乎若臨洞徹上下精白一心詩味卷阿歸於孝德  
放諸四海準是爲則爾職贊禮陟降廟郊周折圓方  
弗讐絲毛非志之醇疇能及此宜勵其功慎終如始  
自此而推泉達火然孝親忠君其道一原內涵外充  
壹循乎敬大本旣敦本罔不正爾有長才發軔在茲

何遠弗屆何福弗宜探名索字孳孳不已賢亦何人  
希之則是

鄭氏三子加冠命字祝辭

有序

浦陽孝義之門曰鄭氏其十世之長仲德甫筮得柔  
日宿余爲賓將冠其從子木杲果余親與之周旋降  
升以成三加之禮於是稽名定義製字命之夫平土  
有叢爲林因字木曰叔林日在木上爲杲因字杲曰  
叔昇丈夫致果爲毅因字果曰叔毅命已遂通祝之  
以辭辭曰

卷十九

宋學士集

五

退補齋  
藏板

三加三醮既備禮儀昭告爾子各宜聽之木從地生  
含和茹滋孤撐非貴叢生乃奇蔚若鄧林陰陽蔽虧  
欲構清塵掄材實宜毋學樛櫟擁腫離疏爲世鄙賤  
工師莫窺木其曷哉夙夜克治杲杲出日新陽則微  
及昇扶桑其光陸離諸靈屆曦然弗緇羣昏既歛  
洞察毫絲毋若小夫中宵而趨擿墮索塗陷於滄庠  
杲尙曷哉賢哲自期人之立志樹德爲基唯果而毅  
篤行不疑譬之大將建以鼓旗奮矛爭先矯亢欲飛  
毋習巽懦如脂如韋聞過罔悛媿娶委佗果尙曷哉

振厲有爲爾三子者昧昧以思彼蒼者天體物無遺  
或出或入靡不爾隨尙滌爾心一髮不私履善蹈道  
君子之歸苟務口耳言從行違奚翅犢禽安於鬚眉  
世之恆流父子異炊脫有不善眾方見嗤況爾旌門  
十稔聚居名播寰宇彤筆所書尤當戰惕若臨險巖  
遵厥祖武全其秉彝羣翔於堂東塤西麓獨行於庭  
左矩右規庶幾無愧七尺之軀予年耄矣百艱備羅  
涉事旣廣理能真知諄諄爾誨辭肯貢諛請書座右  
視如嚴師

鄭栢加冠祝辭

卷五

宋學士集

五

退補齋  
藏板

浦陽江上有旌義之家曰鄭氏其子姓多從余游有  
名洎者執經爲最久近又携其子栢請曰栢加巾時  
賓客之曰叔端而祝辭尙闕願先生追補之余聞記  
禮之家以竹箭有筠松栢有心居天下之大端故貫  
四時而不改柯易葉蓋喻人之得禮則內諧而外無  
怨旨哉言乎今栢之門內外豈穆且十葉聚食矣非  
禮有以管攝之惡免無乖繇哉夫端者本也釋者謂  
回物最得氣之本用此而不變傷以端爲字配名實

宜於是申之以辭辭曰

齊家之道人情爲田修禮以耕耒耜用宣疇其蕪穢  
灌以淵泉時功旣施遲彼有年逮其大備食之肥鮮  
稽類取譬栢號最堅暨於松筠同得氣原青貫四時  
柯蒨葉芊外柔內澤本固末繙我挈其綱物莫敢先  
藉禮爲政孰謂不然民則底定天和斯全釋回增美  
植正斥偏精通上下曾無閒言揆諸稼事理不少謬  
爾生鄭栢紳綏蟬聯由禮達義世已十傳煦然春溫  
嘉生縈駢旌書焯煌降自九天爾生已冠學維茂茂  
朱昏漆鬣玉潔珠圓元賓加布三祝於筵取端配名  
勗爾致虔當爲邕日與鬱回旋勿隨鮮葩銜奇競妍  
此謂敦本確執弗遷循名責實夙夜乾乾視辭止斯  
爾其勉旃

補臨川危安子定加冠祝辭

有序

冠者責成人之道其禮自天子至於諸侯卿大夫士  
各有隆殺之節儀文雖已失傳唯士冠禮獨存告廟  
筮期宿賓命贊弁有皮爵之等裳有黃元之錯器有  
尊罍柶觶之用鼎有乾肺離肺之實三加而彌尊制

卷十九

宋學士集

三

退補齋  
藏板

字以敬名其爲禮甚嚴矣夫何故事親從兄忠君敬  
長之行望其有所成也古昔盛時以冠爲諸禮之首  
者其職此之由歟自冠禮久廢風頽俗靡冥然夜行  
如擲墮而索塗君子未嘗不爲之永慨也臨川危生  
安清敏好修爲文辭亦整緻可觀嘗從郡諸生肄業  
成均學士大夫多延譽之其師曾先生旦初爲字曰  
子定來謁禁林求予爲之說予謂字之有說說文解  
字備述之矣何假人言哉然三加成禮之後旣命之  
字必造辭以祝之是猶可爲也於是歷序冠禮之嚴

卷十九

宋學士集

三

退浦齋  
藏板

定字代名者爲甚重繼掇大學知止之義而申之以  
辭生慎聽之其將躋君子之域矣乎其辭曰

人之初生父命其名弱齡攸屆乃以字稱此非彌文

實厚彛經四行之責用底於成其爾生名安以定爲

字稽諸聖經敷列其義必先知止始奠厥志射有正

鵠直趨而遂其二方其未定逐物而搖紛紜舛戾水湧

風飄及旣定只類鑿孔昭事至則應順而不膠其曷

爲致斯因靜之故靜爲動基理罔弗具辟地博厚發

育萬彙區萌畢達隨風而布其靜主乎內靈扁廓然



靡隱靡顯隨寓而安天光昭煥人滓將刊漸獲所止  
斯不爲難<sub>其</sub>惟古之學明體適用出輔邦家瑞若麟  
鳳逮及後世葩藻是弄誇多鬪靡有如聚訟<sub>其</sub>昔我  
臨川學者所宗仰視陸子其猶神龍駕風鞭霆雨於  
太空被其澤者碩大而充<sub>其</sub>憫彼夸毗以華喪質直  
究本心曠如出口微言猶存可以尋繹生居其鄉敢  
不自力<sub>其</sub>爾生長矣燦如秀榮濯濯而明英英而貞  
從師受經啄其至精亦既有文五色交縈<sub>其</sub>我後賓  
贊不與酌醴今補祝辭庸申規厲行固宜篤知亦須

卷三九

朱學士集

三

退補齋  
藏板

至安定其中聖域可企<sub>其</sub>

東湖先生方君招魂辭

至正元年春東湖先生年過九十貌加癯而神益腴  
一旦合賢士大夫於庭先生被古冠衣出肅賓升堂  
已復揖賓咸東向坐顧外孫楊恆執豆邊乃從容舉  
觴而揚言曰老夫耄矣其去人閒世不遠矣私自念  
陰陽之運相摩相盪而人實藉是以成形有生者必  
有死斲聚者必終散嘗昧昧思之上自頭顱齒髮下  
自肩髀腰膂不知何者爲可藉何者爲可恆乃欲長

生坐閱世而不死乎子每讀古書見所謂豪傑之士不可勝數或提三尺之劍擁百萬兵喑鳴叱咤而江水爲之湧起或掉三寸舌高軒結駟游騁於諸侯之間亦足以懾強而下敵若而人其材畧雄矣其精魄勁矣吾將求而與之游則已蕩爲飄氛而無致詰矣嗚呼世之人凡以有涯之身與無涯敵者皆可悲也是以榮啓期林類之徒有見乎此或被索鼓琴或行畦拾穗雖至老死不以戚戚少嬰其心予竊慕之嘗聞古有虞殯之章蓋羣歌以輓櫬於塗與其施諸死後之鬼孰若予親見之賢士大夫若不予棄宜賦詩以輓予予當乘安車而出使善音者道予而歌予且擊輪爲節以應之是未必遽滅於秦淮海也賢士大夫若從予言願舉此觶爲賢士大夫壽眾皆曰然先生旣行觶已又舉觶言曰賢士大夫固輓我矣予又聞古之人有遭讒放逐者或閔其魂魄離散而不復還作辭以招之其人初未嘗死也予雖無放逐之憂而其精神皆已斃竭筋骨皆已罷憊顧未死耳幸未死有能辭以招我庶幾翩然自適與夫旣死而有靈

亦御雲龍而一下聽之又未必不靦然而笑也此非  
屬吾景濂而誰爲願舉此解爲吾景濂壽濂又曰然  
於是賢士大夫執觶以酢先生且各譔歌詩一章以  
進濂因製爲招魂辭云先生名宋字德載姓方氏越  
之暨陽人其行大畧見於延陵吳公所著碑銘辭曰  
魂兮旣徠毋遠征些上下八極皆矇冥些華山如雲  
倚空青些下有芝房炳明靈些白閒綺疏紫檀扃些  
銅龍承樞吐赤瑛些繡帷高褰耀輜軒些綠虵衛轂  
若流星些滄熬熊膈溢鼎鏹些狼曷凝膏如玉晶些

卷九

宋國子集

五

退補齋藏板

九霞元冠五綵綖些麟衫麕裘光熒熒些珩璜合節  
鏘瓏玲些離灑巢和一齊鳴些折韶飄馨發繁聲些  
趙舞激風肖霓旒些秦歌嫚迥近懸瓔些室中百具  
無一不精些中天化居能及此清寧些魂兮歸徠不  
越故庭些

哀志士辭

奇俊之士無世不生特時人弗識之或識之而弗能  
用或用之而弗能盡其才所以聲光不流於當時事  
業不白於後世予竊悲之庚寅之夏因覽元好問所

錄人之諸儒自辛愿而下凡五人見其氣節剛方言論磊落實所謂奇俊之士者也雖其行事或未能無過終非齷齪陳腐慙不振者所可冀其萬一然恨其有志而不能遂也因撥其大畧隸於各人之下又從而哀之以辭

辛愿敬之福昌人年三十五始知讀書音義有不通者搜訪百至必通而後已由是博極羣書且善於文辭尤以是非黑白自任每讀人詩必爲探源委發凡例解絡脉審音節辨清濁權輕重片善不掩微類必

卷五

宋學士集

五

藏板

振如老吏斷獄文峻細密絲毛不相貸雖貽人怒罵不恤也性疎宕不修威儀貴人延客愿麻衣草履足脛赤露坦然於其閒劇談豪飲旁若無人家甚貧眾雛嗷嗷張口待哺素負高氣又不能從俗俯仰其枯槁憔悴流離頓踣一假詩以鳴雖百沮之餘其耿耿自信者不少變元光初李獻能元好問在孟津愿往見之獻能爲設美饌愿放筴嘆曰平生飽食有數每見吾二弟必得嘉食明日道路中又當與老飢相抗去矣會有一日辛老子僵仆柳泉韓城之間以天地

爲棺槨日月爲含襪狐狸亦可螻蟻亦可耳聞者悲  
之辭曰天生爾才胡不汝騁麻衣如墨下不掩脛下  
不掩脛不過寒我我食無所我生其可水豈無藻山  
豈無薇苟非吾有我敢采之市魁屠伯彼豈無食我  
腹雖虛我腰肯折抱節而終我則奚憾烏爲螻蟻上  
下何辨爾貧固甚爾守則多不義而富其如爾何  
李汾字長源平晉人曠達不羈好以奇節自許避亂  
入關關中無一人敢與相軒輊者元光末用薦書得  
從事史館從事職名謂之書寫特抄書小史耳汾素

卷六

宋學子士集

三

退補齋  
藏板

高亢不肯屈世乃今以斗食故人以府史畜之殊不  
自聊館中諸人又多新進小生史家凡例或未能盡  
知就其所長有不滿汾一笑故刊修之際汾在傍則  
蓄縮慘沮握筆不能下汾正襟危坐誦左丘明司馬  
遷文數百言音吐甚洪暢誦畢顧四坐曰看秉筆諸  
人積不平乃以嫚罵官長訟於有司證左相半踰年  
不能決右丞師中遣東曹掾置酒和解之尋入關驅  
馬來京師日以馬價佐歡道逢怨家則畫地大數而  
去會恆山公武仙在鄧汾往說之署行尙書省講議

官既而參知政事思烈與仙相異同懼汾言論遂害  
之汾孝友廉介過人者甚多寧寒餓而死終不作寒  
乞聲向人又善爲詩清壯磊落有幽并豪俠忼慨之  
氣人以是稱焉辭曰奎星光光今何其昏大河東流  
遲恤無人金匱石室藏我冊書豈伊羣兒所堪穢之  
我言弗信弗信從汝丘明雖鬼其文不死旣不我嘉  
覆謂我僭我視我觚有淚如霏黃霧四塞黑白誰分  
彩鳳無華山狸有文悠悠蒼天曷其有常自古莫不  
然爾又何傷

卷三九

宋學士集

三

退補齋  
藏板

劉昂霄字景玄一字委房陵川人聰敏絕人或戲取  
市家曰歷鱗雜米鹽者令讀之一過無脫遺者故其  
學無所不窺六經百氏外世譜官制與兵家成敗爲  
最詳爲人細瘦似不能勝衣好橫策兀坐掉頭吟諷  
幅巾奮袖談辭如雲四筵聳聽噤不得語遇其飲酒  
眼花耳熱後其鋒愈不可當不知去古談士爲遠近  
餘子不論也嘗用門資敎調慶陽軍器庫使不就諸  
公方薦試宏辭未幾卒辭曰陋儒拘拘以簡爲常目  
視環堵不知有四方狂瀾旣倒誰復迴之氣蓋一世

獨爾能之上自黃虞下迨五季一隙必燭何有幽邃  
或觸其機談辭如雲誰非男子有舌無聲我豈誇多  
我豈鬪靡一物不知吾儒所恥獨立千古上遡寥絕  
爾身雖窮爾名豈滅

雷淵字希顏別字季默渾源人崇慶二年進士授涇  
州錄事不赴改東平府錄事以勞績遷領東阿縣令  
東平河朔重兵處也驕將悍卒不可制淵出入軍中  
偃然不爲屈不數月家有淵畫像雖大將亦不敢以  
書生遇之調徐州觀察判官召爲荆王府文學兼記

卷九

宋學士集

三

退補齋藏板

室參軍轉應奉翰林文字同知制誥兼史院編修官  
拜監察御史巡行河南榜掠賊吏風采凜凜蔡下一  
兵與權貴人有連時以藥毒民家牛馬以小直脅取  
之淵捕得數以前後罪杖殺之老幼聚觀交口稱快  
然亦坐是失官尋用宰相侯莘卿薦除太學博士再  
遷應奉終於翰林修撰累官大中大夫先是正大間  
元兵突入倒迴谷勢甚張平章芮公逆擊之突騎退  
走填壓谷溪中不可勝筭諸將議不定釋之勿追淵  
請急殲之主兵者不能用後聞北兵狼狽而西馬多

不暇入御始悔不從淵言淵學甚博文甚奇爲人軀  
幹雄偉髯張口哆顏渥丹眼如望洋遇不平則疾惡  
之氣見於顏間或嚼齒大罵不休雖痛自摧折卒亦  
不能變也食兼三四人飲至數斗不亂生平慕孔融  
田疇陳元龍之爲人雖其文章號一代不數人在淵  
仍爲餘事耳淵之友高廷玉李純甫亦以奇節自負  
人號之爲三傑云辭曰爾心之勁爾氣之剛嫉惡如  
仇不問暴強將指出巡面冷如鐵霜簡所加邪蒿卽  
折才豈止斯兵筭又長眼見千里孰曰不明志不獲  
州敢謂無人

雷瑄字伯威坊州人志英邁博學能文以薦書從事

史館調入作司使初并州李汾與瑄同在館中以高  
蹇得罪瑄往送之信陵携酒酌魏公子墳握手痛飲  
後去客陽夏以鞭擊酒壺作楚聲歌自言去國十年  
甲兵滿天地短衣疋馬來自西北將起楚漢閒奇才  
劍客與游而不可得當是時金已遷汴大河以東北



盡山東西抵關輔大軍長驅徙少壯數萬人殺之居  
肅關外自黃河洛陽三門析津至丕之源雀鎮凡二  
千餘里潼關一帶西南邊山大小關隘亦一千餘里  
各分地界統以總帥夜則傳令坐守冬則燃草敲冰  
兼以關輔大飢秦民死者相枕藉瑄皆悲之作商歌  
十章寫其情曰秦子父母國也而一至此乎竟淚下  
不能食乃出奇策白宰相宰相不能聽瑄去不知所  
之辭曰北風泱泱海水爲竭俯窺神京不隔一髮舉  
鞭擊壺歌聲愈苦來自西北短衣疋馬我淚旣盡以  
血繼之天門九重曾莫聞知孰秉國鈞我將自薦反  
謂我狂斥去如箭商顏有芝曄曄可以葆神可  
以樂飢長往不返誰甘幽深赤日在天廉明我心  
葉深道哀辭

卷十九

宋學士集

甲

退補齋  
藏板

烏傷葉君深道字逢原沈確而有文生與予友也死  
則哀之以辭

網山孤張華川瀦水動溶漾元精煦嫗育裔蟬聯爲  
里望回鑿有疏輓漕有猷效忠亮君出其後不續遺  
緒宜炫燿胡爲躔延決瘍潰疹闕難鬯長始知學優

游厭伏敢虛曠朝蒐莫撓會其肯綮搯其肌業成歿  
畜如矢藏箠弓入韞室廬枵然有衣一襲履一量不  
隨游塵上下鼓舞相頡頏嗟予寒篋感今思古徒慨  
忼辟諸豫章絮之百圍逢哲匠愧彼紛紜亥厠壘洗  
忝益益抽關啓鑰浸漬薰蒸予償相天胡難知木邪  
制土病腫脹叫吹輾轉晝夜變幻熱以瘡疾勢漸草  
魂氣隨風恣飛颺楔齒綴足齧斧縵中禮是傍善人  
宜壽卒就黃墟永淪喪相此小夫露牙揚齒學豪放  
手足胡越豈知五倫爲世障胡不顛蹶反使亂眞日  
趨妄嗚呼噫嘻君今逝矣予焉仗制服總麻存慕音  
容哭相向玄雲漫漫涼風蕭蕭吹總帳我詞之哀君  
知不知倍悲愴

蔣季高哀辭

至正丁酉秋七月壬午濂畏暑被髮行青松閒忽有  
客自東陽來曰蔣季高氏歿矣濂聞已哭之哀哭已  
進客問狀客曰前月戊辰季高以事如縣中已已卽  
有滯下之疾晝夜之行餘百久之熱發體中如火其  
兄伯康懼亟呼醫視之醫至脉已絕矣自己已至今

卷九

宋學士集

五

退補齋  
藏板

月甲戌僅六日而遽至於亡濂聞已復哭之哀乃尤  
天曰嗚呼悲乎不知何繇而天吾季高乎使季高其  
行負天地愧神明天之可也季高恂恂儒者非其道  
弗言也非其道弗爲也言其事親則孝而恭處伯仲  
則穆而和交朋友則信而貞遇族姻則惇而莊接閭  
黨則惠而慈求其致天之繇無有也今季高何爲乃  
邁爾乎豈高高在上果不可必乎抑其視夢夢不能  
別善惡乎所謂天道常與善人其尙足徵乎嗚呼悲  
乎初濂年二十餘頗嗜學聞文懿許公弟子三衢方  
先生以性理學講授東陽之南溪徒步往從之游先  
生所主蓋蔣君子晦家子晦季高父也濂因獲交季  
高父子閒時季高尚未冠卽能執經問難進退雍容  
肌肉若玉雪可愛歲幾何旣哭其父今又哭季高焉  
則夫人世如傳舍者可不信乎嗚呼悲乎季高篤意  
於學方先生旣歿復負笈師事侍講黃公會濂亦執  
洒掃之役於公門與季高交益密季高曰出所爲文  
皆雅馴可傳誦濂甚敬之每一會綉湖上輒握手吐  
肺腑閒酒酣氣豪競出慷慨背俗語季高喜益與濂

親季高善辨說袞袞數千言不休濂不能屈每務力  
勝之於是各大笑而止且曰良會不可數一嘻笑一  
怒罵皆別後之相思當時出此言亦以爲常豈知別  
後之相思者乃爲死後之相哀乎心雖如鐵石其不  
爲季高一酸辛乎嗚呼悲乎去年之春季高有書來  
曰東西二峴山無君足跡十年矣縱不爲吾行其可  
貽山靈之所笑乎濂方閉戶著書跬步弗妄出不及  
如季高言濂所居實浦洶青蘿山山中林樾蒼潤孤  
猿野鶴見人了無驚猜意而梅花泉又極可飲濂自

卷十九

宋學士集

三

退補齋  
藏板

念雖不能爲季高往季高清俊士折簡招之或可一  
來當共飲水哦詩或投壺白雲間亦一樂也豈知季  
高遽棄濂而長逝乎峴山之蒼翠固在眼寧不對之  
墮淚如襄陽乎雖欲重登顧後瞻前而季高不見又  
寧不爲之感慨乎嗚呼悲乎季高之太夫人年踰八  
十母夫人髮亦種種而三子方纍纍在疚長者僅七  
齡幼者尙居乳哺中惓然可念季高之死兩目能遽  
瞑乎嗚呼悲乎季高已矣濂將撫季高羣行爲書以  
信後世適有故未及爲姑撰哀辭一通焚之於墓以

寫中心之悲季高其能有知乎  
瀛海可填濂之哀吾季高者尙何時而已乎嗚呼悲乎嗚呼悲乎季高諱允叔季高其字也卒時年二十九云辭曰  
有木蕤蕤兮嗚呼將鬯其施兮嗚呼霜雪何爲兮嗚呼竟從而折之兮嗚呼天者不可知兮嗚呼千載之悲兮嗚呼

郭淵哀辭

郭淵字濟川六人唐汾陽王子儀肩也宋季羣盜起

卷五

宋學士集

器

退補齋藏板

淵聚族其保若一障曰蔡堡六人依焉天下已定民爲占籍吏撓之民見縣有爲丞相客者無敢呵相教爲丞相奴淵謂民民賤王民也奴重人奴也使世世爲人奴與王民孰愈民愧而止後樹吏吏務休息民而奴客困皆來謝曰微君幾不免大德末淮大饑淵作饘粥食之生者甚夥是時人多鬻子自救淵取困甚者假子養之十餘年皆爲娶婦居數歲大穰一朝縱之曰若事吾良苦及時歸毋久留爲也皆涕泣曰公生我今驅我安之願留終公身淵曰毋悲後吾子

孫不省將以汝爲奴卒縱之人有真酒飲西家者已醉而出遺所齎銀於門淵適見藏弄俟之明日遺金人從西家求金西家誠不知怒以爲欺求之急西家怒益閉其人因卽欲自到方爭淵聞之遽出呼其人與之所遺金人皆驚始保蔡堡羣少年共劫一人將殺之淵呵曰此何罪至殺羣少年曰此疑狙伺爲謀而將襲我故殺之耳曰吾所爲相保以生誠惡死也今疑而殺人禍將及羣少年怒淵私計奪之力且追殺之乃曰吾代之贖何如羣少年喜遂免之後至昇

卷十九

宋學士集

嗚

退補齋藏板

昇市中有戴柜紋盤鬻於市者遇淵置戴盤叩頭泣曰今日遇公天也幸臨過我我有母皆願見公謝淵固辭假以爲誤去之市上老人歎曰世稱長者此真是耶初六界北邊民習兵少文淵與父諗以詩書俎豆爲業人慕之多化者至今六多儒淵旣卒其孫言抱李孝光所造墓文請濂哀以辭濂未及爲言客死豫章可悲也始言與濂游語及當世輒瞋目嚼齒語皆驚人聽者掩耳避去及操筆綴辭則海蜃吐樓而芝舉翠輦隱見空濛閒可怖愕言誠奇男子濂故剛

孝光文爲辭哀淵且附見言事以見可哀不特淵也  
辭曰

有開其先熙以申有紹其後文以彬何過其施祿以  
屯

### 王季楚哀辭

王仲淮季楚越人也其父良嘗檢校江浙行中書政  
成謁選京師時季楚年方二十餘請從行既至有多  
季楚才者薦其名遼陽行中書授季楚大寧路儒學  
正未幾以病卒檢校君哭之甚哀既請國子監丞陳

### 卷五

宋學士集

哭

退補齋  
藏板

公旅撰銘揭墓上復謂其甥方泗曰予深哀仲淮既  
不能壽而又客死其二子基始八歲墜始一歲儼然  
也仲淮有知其能瞑目乎聞汝交友多能文盍求辭  
以哀仲淮且慰我泗來爲濂言濂竊悲之初濂見季  
楚於泗家眉目秀整每言輒牽引史傳幾若質通者  
濂方意其必進用於時今若是世之人欲以智力相  
雄長而不知止者果何如耶辭曰  
冥冥之化孰尸其權胡予其才而不予其年嗚呼

### 陳子章哀辭

嗚呼吾子章竟止於斯邪始予游學諸暨之白湖而子章實來予因獲與子章交當是時四方來者類多執綺之子喜眩文綉以自媚人爭悅趨之獨予之貧短衣纔能至胥冷處前廡下四壁蕭然誰復見顧者惟子章與予燈影相望而讀書之聲相接也予時學未聞道心頗不能平子章嘗慷慨厲予曰子量隘矣是焉足以汙子哉子章好使氣人稍加昵白眼視之至其去乃已予因用子章厲予者厲之子章矍然謝曰是善教我子章自是與予居至驩也予既還金華子章亦去越三年予再見子章於烏傷更相勞苦子章握手顧予曰子之貧尙爾邪子但力學天殆不能貧子也予觀子章貌加壯其厲予一如諸暨時未幾予復西還金華又二年予束書寓浦陽子章聞之喜以書來曰予昔在諸暨與子居僅四月而別在烏傷未十日而別今子來浦陽浦陽子父母邦也予家距子之所寓不百里庶幾與子少相羊乎子亦喜當與子章時相見也又三年子章未嘗一來予竊怪之因詢子章所嘗往來者具道子章病咯血氣厭厭不振

卷九

宋學士集

巽

退補齋藏板



予謂是疾勢雖迫人得良醫可已未始爲吾子章憂  
又四年子章竟死嗚呼吾子章竟止於斯邪予之交  
友固多矣如子章者寧幾人哉積二十年之外僅能  
再見之蓋以子章春秋始壯予雖少長亦不過二三  
年其與子章游未晚也豈知子章遽先予而棄去乎  
予蚤知子章若是又敢憂百里之遠不與子章周旋  
乎子章已矣孰能相予之善孰能指予之疵哉予雖  
欲不哀子章不可得已因從而著其辭子章諱璋姓  
陳氏子章字也浦陽人辭曰

卷三九

宋學士集

哭

退補齋  
藏板

已乎子章天賦爾材而鍾爾精宜乎輝赫其聲光振  
拔其華英不秩登於百石亦名薦於九卿奈之何單  
襦短褐不知珪組之貴藜羹糗飯莫沾鼎餗之榮雖  
足勤乎做屣神憊乎篝燈竟不少用而遂潛輝韜迹  
於泉扃則吾子章何如勿生已乎子章白楊萋萋宿  
草莽莽悲泉咽而不流寒雲鬱而欲聚以吾子章之  
才之淑而遽下制於一坏之土寧不使子撫遺文而  
增慨想音容而惻楚也耶嗚呼唏矣

哭張教授父子辭

濂同縣張公繼祖力學而尚志操少讀魯仲連傳見其排難解紛歎曰士當如是而已大德中縣有桀黠吏挾重辟害民民惟怯莫敢觸其鋒公直之部使者時吏方抱案在庭公面疏其奸卒置於法延祐間郡上公才行署雙溪書院山長考第成遂調瀏陽州學教授公爲復侵疆稽其步畝刻石學宮會守貳闕太府檄公攝州事時歲薦禱道殢相枕藉方下令勸分公爲設方畧使持券者左入受粟者右出竟事帖帖無譁居二年以大父喪棄官歸卒其子道生力學如

卷九

宋學士集

哭

退補齋藏板

其父屢應進士舉不利困頓殊甚適余觀以監察御史行部浙東觀同舍生也召見相勞苦薦爲武夷書院山長未幾亦卒初濂年幼時見公公卽相器重與爲賓主禮俾同道生師事城南聞人先生逮今粗知學而不陷於小人之域者皆公賜也濂旣往哭公會未幾何又哭道生焉雖石人猶當墮淚近抱疚衽席間中夜尤念公父子不能置起篝火濡毫申之以辭

辭曰

番番良士僅以教施才不盡展人期有兒兒今死矣

吁其悲

王君禮字德潤濟寧金鄉人祖仁義烏丞父端深水

有序

州稅務大使母劉氏君少警敏人物又魁傑嘗掀髯  
自咤曰王禮不尋功名功名當自來逼王禮爾豈有  
錘在布囊而未見者耶遂學治經試進士不中卽  
棄去攻法家書爲衢處二府吏尋補書吏浙東廉訪  
使者府遷浙西名上江南行御史臺辟察院書吏已  
而貢入中臺察院出調浙西道肅政廉訪司照磨兼

卷五

朱學士集

辛

退補齋  
藏板

承發架閣裨贊憲政人器其材因會酒言忤御史銜  
之以事中君下符逮就更君坐樓上歎曰男子頭可  
斫膝不可屈死則死肯與獄吏對乎遂拔刃自剄左  
右急救君已仆地血滂然流君妻劉及子僧僧忍泣  
具棺斂載入金華卽城北五里藏焉蓋君自幼寓金  
華又以女妻縣人江演兵起山東道絕不能歸故君  
喪來葬而妻子皆來依江初余入郡從聞人先生學  
君同日至與之語又知同庚戎生人相驩也晝摩切  
經藝晚則捉手同游衍或縱談大噓憤墮地弗顧或

聯詩纔脫口卽促繼之遲則罰昏鼓動皦皦始歸日  
以爲常一日去爲吏余遂不以書記通有自浙水西  
至者出君手書相勞苦且曰吾薦子於方嶽大臣行  
授子校官矣子能爲我一出乎余以書謝復固辭居  
亡何聞君死矣余之辭君者非託此以爲名高竊自  
念貧賤士何往不自得君固不忘故人余足一動人  
必病余以爲挾且私是以弗能往視君俟君他日歸  
休御款段馬候君青霞白水閒未晚也嗚呼孰知君  
之遽去余而死矣乎使知君之遽死也縱百千其人

卷十九

宋學士集

至

退補齋  
藏板

以爲私以爲挾朝夕迭提余耳而噪之余尙何恤必  
能謁君虎林之上矣今復何言哉今復何言哉君旣  
不可見乃絮酒裹鷄走哭君之墓僧僧知余至哭迎  
于途僂然也余心益百折不自勝造爲哀辭一通以  
洩余情雖然余情其得而盡洩乎君卒時年四十七  
至正甲申九月十二日云辭曰

犧尊青黃嘉木之灾樗大蔽牛不以爲材使君非材  
行已昧昧過者弗晚孰得而害君旣材矣人誰舍旃  
高位疾顛理之必然氓之蚩蚩匪材曷治君仕則當

不仕無義孰不顯融君閔而凶豈仕之尤祇繫其逢  
所逢者時固有通塞亦命使之君復何惑物忌大剛  
不缺則矧自君取之命復何云君若居柔觸物惟忍  
非惟保名身何能殞從古有言柔則詭隨縱生千齡  
非君所宜君死雖亟君膝不屈君氣凜然千古莫奪  
人孰不死君死則寧尚可謂君鴻毛之輕君何用哀  
我哀有以天方壽君君則自死我苟無罪誰敢死余  
一朝之忿惜不爾思妻子煢煢東西顛沛君在九泉  
亦將自悔我則深悲豈直悲君悲法之隳法旣隳矣  
君宜長逝彼豸斯冠天亦不異

悲海東辭

玉山鄭先生原善字復初延祐名進士起家德興永  
轉處州錄事有異政爲眾所忌遭誣搆去官尋以疾  
卒臨川危君太樸病執法者不得其平爲著悲海東  
辭濂亦繼作時元統癸酉冬十月丁亥也

我悲海東我涕拭矣善人云瘁邦其棘矣倬彼昊天  
冒此下民彰善癉惡胡莫之懲冥冥其晝不見出日  
飄飄雨風墮我家室室墮止邦國危止豈遽危之

遠將自邇大君維河冢宰維舟鄉士維楫烝庶維徒  
上下相力厥載孔速苟不是念不膠則覆維彼哲人  
化爲螟螣維彼愚人猶如鬼蜮鬼蜮戢戢巧爲我賊  
螟螣僥僥蝕我黍苗我民我牧唯恐傷只彼豺伊兕  
敢爲民痛旣啜其育復監其髓我寘我法孰云能已  
淑爾君子綉衣孔揚有瑋葱珩有節斯煌不我能曷  
覆謂我爽詈我繫我絕不畏明譬彼鸞凰見藻是食  
有振者麟邪蒿爲室式紛式錯動罔不忒嗚呼昊天  
曷其有極牲牲其鹿乃索之江中林喬喬乃求其魴  
顛倒眩瞶以逞無良嗚呼昊天曷其有常無然昏亂  
無然惱淫無然回適以虹我心爾之悖矣民胥害矣  
爾之迪矣民相憚矣勿曰丘陵崇不可夷勿曰淵冰  
堅不可摧忽爲平陸忽若流澌誰與爾謀曾不爾思  
謂爾醉止黝然無知爾不用酒何德之違謂爾蠱止  
上下卒迷日用飲食不愆厥初其止遽遽其行踣踣  
其慘喏喏其威虺虺我淚旣竭繼之以血百海其深  
莫喻我心我生不辰伊誰之云無越我墻我垣我藩  
無萊我田我田我糜天命有定我將我怨爾無人怨

卷五

宋學士集

五

退補齋藏板

我爾用歆乃塤乃篪乃瑟乃琴乃磬乃笙以樂其音  
以樂其音寶獲我心峩峩墮山山則有樗彼淮者淵  
淵則有魚匪今獨然振古如茲我苟不樂不樂奚爲  
廣漢難辭

難古禮也周人三時皆行之春冬之季難難陰氣也  
仲秋之月難難陽氣也蓋二氣或佚厲將乘之爲灾  
故難以止焉其制命方相氏帥百隸索室區疫以逐  
之又磔牲以禳四方之神漢襲周制而其儀加詳選  
中黃門子弟百二十人爲佞子赤幘皂制執鼗方相

卷十九

宋學士集

五

退補齋  
藏板

黃金四目蒙熊皮玄衣朱裳執戈揚盾十二獸有衣  
毛骨中黃門行之冗從僕射將之以逐惡鬼於禁中  
夜漏上水朝臣會侍中尚書御史謁者虎賁羽林郎  
將執事皆赤幘陞衛乘輿御前殿黃門令奏曰佞子  
請備逐疫於是中黃門倡佞子和其辭凡八十言繼  
作方相與十二獸儼謹呼徧前後省者三持炬火送  
疫出端門門外騎士以次傳火棄雒水中自漢至今  
朝廷之難雖廢而民間猶有存者先臘一日巷坻社  
隸飾鬼神貌御五色龍虎文衣巡門擊鼓而難之子

惡其言鄙褻因疏古者用難之意復廣漢辭使習焉  
其辭曰

陽陰乘化左右而行日歷昂畢得積屍大陵其氣勃  
芒更涉虛危墳墓西司鬼官攸戾厲附強陰而降於  
費殃咨爾十二神宣其威良焱突劔亢腓胃食虎甲  
作食殉雄伯食彫騰簡食不祥嚮諸食咎伯奇食夢  
祖明強梁共食磔死寄生委隨食觀錯斷食巨劔其  
腎腸窮奇騰根同享於蠱毋使害傷咨爾十二神鍛  
爾戎兵出軹四方吮厲之益以代酒漿解厲之肌以  
充糗糧絲厲之臙織以爲衣裳斥除慝陰暢回明陽  
乾坤載清物林民仰惟爾神之功神或不養上帝是  
明急急如律令

補零壇祝舞歌辭

周官有司巫掌羣巫之政令若國大旱則帥巫而舞  
雩漢法夏不雨祀竈毋舉土功更火浚井暴金於壇  
杵白於術爲四通之壇於邑南門外方七尺植赤繒  
七其神蚩尤祭之赤雄雞七玄酒具清酒搏脯祝齊  
三日服赤衣拜跪陳祝辭以丙丁日爲赤火龍一長

卷五

宋學士集

五

退補齋  
藏板



七丈又爲小龍六長三丈於南方皆南向壯者七人  
皆齊三日服赤衣而舞之司空嗇夫亦齊三日服赤  
衣而立之鑿社而通之閭外之溝取五蝦蟇錯置社  
之中池方七尺深一尺酒脯祭齋衣赤陳祝如初取  
二歲雄鷄豨豬燔之四通神宇令民闔里南門開里  
北門幸得雨報以豚一酒鹽黍財足以茅爲席然周  
制久廢典午以降漢法亦不行而祝辭尤闕歲丙申  
夏旱羣巫零於山川之神予旣書其事

於秦鴻冒下民動以化時屈伸爆朱鳥萬物甄亢則

卷十九

宋學士集

癸

退補齋  
藏板

害陽畢屯土膏耗菴欲瘠田峻奔勢維磧壇四通優  
明神神中臨勃如烟鬯嘉錫燦若羅繭握薦豕炳膏  
蕭灌鬱金羽芳赫氣上延合溟溲洞五精貫八慄茫  
無外莽脩脩門沈碣駕以森俯下土無不釗

鬱行風羽輪翔元黃變慘復爽眾媻集亢景章夔然  
存索之亡爍陰明迴叢陽符翹襟逝弗忘崇明禋成  
穡功憑紺筵巖以印應上公與天通植赤繒驂紅龍  
左列缺右豐隆流火降鉅若鴻鬼婦劉散爲風灑靈  
注偏四封函斯活穎茸茸眾維魚兆已從融祉暉毓

宵氓甫田阜物豫成風平平綽以行人夷與鬼勝嚮  
耿曜振霈充盈神心暢樂茫良四寓綏萬國洋洽大  
康慶昭膺

楊刺史廟迎享送神歌辭

浦陽鷄冠山上有古神祠相傳祠漢交州刺史楊侯  
侯縣人也名扶字聖儀累官皆有惠政侯歿已千載  
民以雨暘禱輒應是侯之神在天猶不棄於吾民也  
吾民其可忘於侯乎濂雖不敏爲撰迎享送神之辭  
俾邦人歲時歌以祀侯其辭曰

卷五

宋學士集

五

退補齋  
藏板

紛溶溶眺天門白蜺出雜雲敦翻我靈整修駕車登  
登般裔裔翩我靈降潛場回颺興與之翔翩我靈變  
陽陰奔以放光淫淫翩我靈續如膺神鬼衛鳥翼張  
紛溶溶一

神筵啓混朱黃愉以康况芒芒奄靈車奠芳酌爵行  
千流若雨奄靈車蕙爲肴饗且飲以舞歌奄靈車靈  
已醉廣宣延無不備奄靈車樂無極神山高高可測

神筵啓二

氛翼翼欲上升指青元化爲文靈之旋疾如風從西

虎導東龍神之旋髯  
逝凌紫青瑤光下靈之旋兆  
逢惕景已滅猶放悲靈之旋錫  
我祐沛若雲雨下土  
氛翼翼三

題辭

菊坡新卷題辭

當塗陶君用高蓋出於晉徵士元亮之裔凡宦轍所  
臨必效前人種菊花滿坡當萬木搖落時花始秀拔  
低昂枝上若赤金所鑄錢頗可玩用高公退之餘酌  
酒與花對恍然如在柴桑籬落間殆忘其章綬之榮

卷十九

宋學士集

美

退補齋  
藏板

案牘之煩也或者疑之曰仕者樂乎朝市故馳而弗  
息隱者慕於山林故往而不返有若水之與火未易  
合也昔者元亮遭時孔艱不能爲五斗米折腰向鄉  
里小兒因有託於菊而逃焉耳今用高則不然生逢  
有道之朝亦旣由憲史檢校中書而主畫於秋官矣  
眾咸以致君澤民期之用高則留情於菊若將與世  
相違者無乃不可乎嗚呼是何言歟是何言歟觀人  
之道不於其迹而於其心迹固朝市也而心則不忘  
乎山林謂之吏而隱可也迹或滯乎山林之中而其

心則豔華趨榮無一息之不思市朝苟謂之爲隱孰能信之況君子之出處可仕則仕可隱則隱初何容智力於其閒哉設使元亮當今之時將不能不仕而用高生於元亮之世似亦不得不隱也世之人學元亮者多矣皆在乎去位之後用高則見於在官之時此蓋魯男子之善學柳下惠者也用高誠賢乎哉予固不敢以用高方之元亮也以其志之或同而他人未必能知也聊相與一言之并作采菊之辭以遺用高曰我采我菊露其和矣今我不樂鬻其皤矣鬻其皤矣吾行歌矣我菊我采露其晞止今我不樂白日馳止白日馳止吾顏衰止歌罷用高攬衣而起曰贈予言者盈三帙矣子頗能知予之志曷爲書於新卷之端俾詩家者流繼之他日約子於三徑閒俯仰西風歌此辭而餐落英顧不美歟予不敢固辭用高通儒術爲人仁厚士林中多稱之云

羅鄂州小集題辭

有倬羅公家於歙邦幼名曰愿冠字爲端良其父吏部內外踐敷春秋之學與胡氏抗衡生子凡六皆能

卷十九

宋學士集

堯

退補齋藏板

辭章公居其五尤赫赫有芒既收世科歷仕縣州出  
刺武昌阜蓋朱旛績用翁以張夫自五季以來文氣  
日異宋室龍興篤生哲師汶陽浚其源二尹導之元  
城倡於前范張和之逮於廬陵日粹以夷臨川南豐  
眉山父子同燄而聯輝清寧協順功用發揮精氣充  
斥暢達縈綏變化合神而光景弗虧奈何王轍旣南  
涉於偏頗衰俗羣趨以事決科浮聲切響駢言儷辭  
襲謬而踵訛公挺其閒弗徇弗阿濯其孽疴障其頽  
波謂六經之作如日行天不可以軋摩唯秦賢漢是  
則是效接其遐軌而視法在軻然而畜之不弘則動  
之弗振涵志今古潛神典墳玩陰陽之交察海嶽之  
文覈治亂之變通典禮之津以至稗官虞初旁行敷  
落鳥獸蟲魚之倫凡可以資博識者咸區別而彙分  
力思精索從莫達晨立功以凝將通乎鬼神故其形  
諸篇翰鑰啓繭抽高雅精鍊莫之與述喬嶽巖然上  
凌太清而陋夫土丘戴冕執圭屹若山立而異於卉  
裘棠溪之金美則爲鏐干將之鐵百鍛始迺視彼蝕  
鏽腐鉛質乎不侔考亭朱子取法魯騶發人瑕類一

卷五

朱學士集

卒

退補齋  
藏板

髮必讐獨推公文而弗舍者以協理之微幽嗚呼公  
既逝矣遺文四行唯於東南粲如列星遭時不平遂  
壞於兵其諸孫宣明賢而有徵懼懸黎之鑿彩結絲  
之沈英復鏤於梓以震其聲以開其冥以鈞於眾聽  
濂也不敏幼誦公文蒼白無成搏朽壤以代礪不厯  
亦傾揉敗楸以爲弧莫使之綳其瞻公之製作猶應  
龍之降升區區贊述尙繫重輕姑序其作者之意於  
首簡使後生小子知豪傑之士不爲衰俗所囿而雄  
渾之作或當與秦漢并

卷十九

宋學士集

空

退補齋  
藏板

宋學士全集卷之三十

明宋濂撰

同郡後學胡鳳丹月樵校梓

贊

文右相像贊

才優德純山峙玉溫厚重可以鎮俗仁恕足以澤民  
或陳經術而侍青坊或秉霜簡而立紫宸終受知於  
聖主宅右揆而相秦深沈有謀真潞國之裔剛毅忠  
信誠絳侯之倫觀其屹立不動正笏垂紳猶可作懦  
夫之氣而褫邪佞之魂嗚呼此所謂邦家之重寶廊  
廟之大臣也歟

婁貞公贊

原武婁宗仁當天后政嚴之時獨以寬厚聞其弟守  
代州宗仁教以唾面自乾至今爲善者師焉因贊之  
以自勗贊曰

我言之忮斯辱之招我行弗足或貽其辱二者無失  
其至由外內省不疚我則何罪我面彼唾乃彼之愆  
我何潔之正使自乾孰忿自乘攘袂而鬩孰量之弘  
受詬如頌是非苟繆不亦殆而微公之師吾誰與歸

卷三

宋學士集

一

退補齋  
藏板

陸秀夫像贊

身抱龍髯兮眼不見水鳳闕雖遐兮龍堂則邇玉雪  
皦如兮肯污泥滓赤日出海兮爾心不死

滕奉使贊

齊人王蠋有言曰忠臣不事二君烈女不更二夫女  
之從人一與之醮當終身不改譬之白璧小有玷辱  
人將斥去而不之顧臣之事君也其理亦同故蠋特  
並言之事兩夫者雖辨如虞姬智如鄧曼吾知其決  
非良婦事二君者雖功如汾陽才如西平吾知其決

卷三十

宋學士集

二

退補齋  
藏板

非良臣嗚呼使此義昭如白曰人臣安肯懷二心而  
國安有喪亡之禍哉東陽滕茂實當宋靖康初以太  
學正與僉書路允迪奉使於金議割三鎮太原尋奉  
密詔據城不下金人怒囚之雲中欽宗北遷茂實謁  
見涕泣請從行主者不之許其後允迪南歸茂實獨  
留雁門終身不再仕臨沒令以黃幡裹屍而葬仍刻  
石識云宋使者東陽滕茂實墓此殆不事二君者歟  
當是時有宇文虛中者亦以黃門侍郎使金見留遂  
改節易行反面事狄其後雖欲奪兵仗南奔而自贖



卒亦不逃君子之譏其視吾茂實果何如也茂實已矣人至今想其遺節如神龍不可得見至視虛中輩不啻若鬼蜮犬豕有識妾婦亦羞聞之此無他人心理終不可誣也乃作滕奉使贊用規事君而有二心者贊曰

漢有蘇武奉使不屈滕公配之有聲烈烈黃幡裹屍以全臣節如璧之白弗緇弗缺其人雖亡精神不滅上遊帝所凌厲日月降臣見之肝碎膽裂敢述贊辭勒在貞碣

卷三 宋學士集

三 退補齋藏板

東陽十孝子贊

十孝子者皆東陽人其事載於郡乘爲詳予讀書之暇因探其昊天罔極之思而爲是贊以風世之爲人子者

秦顏烏 烏傷人

古有醇孝厥姓惟顏父喪未葬行泣道閒我畜我鍾是藎是瘞彼羣烏何知銜土予助我家旣封烏吻血流感爾異類愧我同儔秦風日漓借稷鉏而德色誰意露雲之四蒙見此皦日千載之下禮憲淪胥豈獨

愧君烏亦不如。有廟巖巖春秋。是祀用興。薄夫作孝。

子

吳斯敦

東陽人

有孝者斯峴山之阿。父罪當誅。兒心奈何。自非吾親。盍從生我。我寧隕身。父死其可。九關峩峩。虎豹斷斷。泣血上書。願易以身。王用爾恤。卒全父命。更旌爾門。風彼不令。池波齋淪。宰木扶疎。清風肅然。過者下車。

晉許孜

東陽人

嗟嗟許生。實孝於親。胡風木不停。遭此難屯。輶車既

卷三

宋學士集

四

退補齋藏板

載負土築墳。我親我塋。敢曰勤彼鄉民。手胼足胝。我不爲辛。巾笥猶存。几筵不改。惕然念之。吾親何在。秋霜凝凝。春雨濺濺。父兮母兮。得無苦寒與饑兒。旣不可見。寧不念茲。天高可極。此情罔極。鹿獨不閔。我觸我松柏。嗟嗟許生。厲志不移。終身之慕。於子見之。

唐馮子華

東陽人

緬彼孝馮。綰廬墓傍。思親不見。欲與俱亡。白日寥寥。悲風四起。蒲伏號呼。哀徹心髓。天錫嘉瑞。慰我孝思。有皦斯兔。有燦斯芝。孝馮曰噫。吾焉用汝。九京莫興。

百瑞奚補唯爾孝子樹我世防雖歷萬祀厥德彌章  
自公之亡自公者幾茫茫堪輿孰非人子

唐應先

東陽人

卓哉至行眾人所難眷我應君拔涕汎瀾親之云亡  
中心咽塞雖草生髮閒何暇束櫛昔處膝下其樂泱  
泱今我來思舉目但見白楊彼蒼者天曷不我憫苟  
可從之我生奚恤爾心之苦爾行之優雙闕峨峨卒  
承天休

唐唐君佑

東陽人

卷三

宋學士集

五

退補齋  
藏板

唐氏之子以孝行聞死生一節弗歧弗分唯思親不  
置鞠明究曠誰無父母以樂以愉今我何罪獨行次  
且我罪之深我官隕墜胡獨使我親先彼朝露昊天  
不弔直至於斯渺渺音容如何弗思官用褒旌封報  
在舍匪私爾一人式勸來者

陳太媯

浦江人

浦洎之間有氏曰陳親沒居廬衰麻終身心勦形瘵  
杖而後起一氣如絲去死無幾朝哭如吞莫哭尤不  
忍聞松風脩脩林鳥嚶嚶來助予之悲號遐思弗寧

起奠我爵果肴在前烏鳥爲之不啄世猶失防頽彼  
滉瀆我思古人古人馬往

宋董少舒

蘭溪人

有倬董君父以令終躬負厥土馬鬣其封四郊無人  
夜寒如水黑飈潛興如臨神鬼董君出廬擁墳撫膺  
念父寥寂長哀無聲日兮月兮能照下土寧不閱我  
最苦願亟入九泉奉我父母靈芝煌煌駿發爾祥蓋  
紫榦黃於燦其光有焯董君德聲斯不亡

宋金景文

蘭溪人

卷三十

宋學士集

六

退補齋  
藏板

澱水之州三山之坡下有孝子孝如之何父疾在首  
顛天請代願萃子身我親罔害母棺未窆執纜以前  
天光下燭五色粲然五色粲然未足爲偉怪電獐風  
勿犯其里苟匪中忱曷以臻此縣代是師於戲孝子

宋賈南金

金華人

孝道之弘百行所生誰與賈氏實敦古風生弗離親  
沒安可棄忍令親之玉體爲泉扃所閱晝雖不可見  
接以夢寐夢中相見宛其未死覺後求之寒燈在几  
得不慨茲潛潛墮淚睠爾孝德閱我章逢樞蠟其貌

黼黻其躬父子相軋或不相容我述贊辭用發民衷  
許魯齋先生贊

濂洛之學傳自武夷重徽疊照日星昭垂逮我許公  
尊聞行知若親摳衣寒泉之糜張皇幽眇釐析毫絲  
如皋陶淑問畢其情辭如后羿注矢不失其馳既入  
闔域遂升堂基橫經胄監衿佩鏘如祛其人私曠其  
天彛釋其偏歧挽其九衢德成財達昭用如時黼黻  
帝治甄陶泰熙明體適用公實庶幾無德弗報四海  
祝尸嗚呼許公百世之師

卷三十

宋學士集

七

退補齋  
藏板

劉靜修先生贊

先生之心嶽鎮川澄先生之操玉溫石貞先生之學  
寤寐六經岐陽之鳳魯郊之麟和氣襲人盎然陽春  
發周孔性情恹其深醇或出或潛與道周旋九原可  
作吾爲執鞭

吳草廬先生贊

紫氣蟬聯神物蜿蜒有開必先山川降神自元而貞  
篤生哲人愼斯勤斯絕乎等夷於道早知厲如秋霜  
煦如春陽何德之昌抱膝而居氣蓋八區闕而弗舒

玩心神明操觚弗停輿衛聖經學徒是依毛之有麒  
甲之有龜對其淵冲以消吝封心熙氣融聖王當軒  
留聘益尊施教成均北許南吳先後合符人文之敷  
大明太史金華宋濂贊

虞文靖公像贊

朱明之墟離火降精也丹鳥襪褫爲駕絲軒也手握  
化樞人文昭明也補帝袞衣五色熒熒也上凌霄漢  
下燭九溟也無幽不啓無芳不榮也頓挫萬彙配合  
三靈也獨騎元氣棲神窈冥也之死弗沒隨物流形  
也凝爲喬雲燦爲德星也琬琰所勒鬼祕神扁也命  
世之材一代之英也

先師內翰柳公真贊

偉貌長身端嚴若神卽而就之煦然春溫海濶天高  
莫窺覘其宏度霆奔颺豎壹驅駕乎雄文來趨蹌之  
衿佩作儀表於薦紳出入容臺振百年之禮樂昭宣  
帝制煥大號於乾坤惟其具該博崇深之學所以繼  
光明俊偉之倫仰瞻遺像有涕沾巾儻使泉臺之可  
作庶幾士俗之還淳門人具官宋濂拜讚

吳山長像贊

原道書院山長吳履子之異姓弟也人之評履者一則曰履善屬文其嚴簡斬絕處類秦漢閒人語迫而視之有光淵然也一則曰履自幼沈酣義獻中行草書皆入妙品如寶劍舞空光芒疊發芙蓉出水態有餘妍當與鮮于太常齊驅其得意者或謂過之其知履僅若此至其尚風義赴友朋之急不顧水火雖古人猶難之者未必能知履也因贊之以白履行於世贊曰

卷三

宋學士集

九

退補齋藏板

若人者其古君子之徒與聞人急難卽欲赴之力縱不及心懸懸其如饑水火在前幾若弗知輾轉不寐而長夜以思世滔滔而莫察吾獨探其隱微彼以藝文爲矜衒者其相知也不亦淺而若人者其古君子之徒與

石巖凌先生像贊

冰霜顏面鐵石心腸持斧七閩百壬斂藏神明之政淵源之學其人雖亡清風猶昨

溟滓生贊

有序

溟滓生者盱江廖應淮海學也抱負奇氣好研摩運世推移及方技諸家學年三十游杭上疏言丁大全誤國狀大全怒中以法配漢陽軍生荷校行歌出都門道傍觀者嘖嘖壯之抵漢江濱遇蜀道士杜可大揖曰子非廖應淮耶生愕然曰道士何自知之大可曰宇宙大虛一塵爾人生其間爲塵幾何是茫茫者尙了然心目開矧吾子耶然自邵堯夫以先天學授王豫天悅天悅死無所授同葬玉枕中未百年而吳曦叛盜發其冢得皇極經世體要一篇內外觀象數十篇余賄盜得之今餘五十年數當授子吾俟子亦久矣乃言於上官脫其籍盡教以冢中書其算絲聲音起生神鑿穎利可大指畫未到者生已先意逆悟可大自以爲不及學旣成去隱宣歙間遇余安裕弋陽將教之安裕勸生業中庸生瞠目厲聲曰俗儒幾辱吾康節於地下矣復去之杭客賀外史家晝市大衍數夜沽酒痛飲飲卽吐吐卽飲不醉如泥弗休醉中嘗大叫曰天非宋天地非宋地柰何柰何語聞賈似道遣客叩之生曰毋多言浙水西地髮白時是其

卷三

宋學士集

十

退補齋藏板



祥也似道未解復召至屏人與語生曰明公宜自愛不久宋鼎移矣似道惡其言掩耳走生亦徑出過曾淵子家索酒轟飲酒酣作嬰兒啼曰大厦將焚燕猶呢喃未已耶復賦歌以見意都人士聞之競指以爲怪民不與接獨太學生熊賚聖猶時造其廬生私執熊手謂曰吾端居曾樓聞空中戎馬百萬來人鬼作哭泣聲壬申襄樊陷甲戌宮車晏駕乙亥長江飛渡似道亦殛死臨漳丙子三宮播遷諸王大臣皆南北亂走噓吸事耳子不去欲何爲居亡何宋事曰非沿

卷三十一

宋學士集

十一

退補齋藏板

江州郡望風奔潰生大慟曰殺氣又入閩廣中吾不知死所矣遂遁去其言無一不驗後四年病死處州學中年五十二無子唯一義女從之生宗堯夫先天之學頗自謂知易每見諸易師傳疏不問淺深輒訕駁以爲樂及論後天則尊羲畫爲經彖爻繫辭爲傳黜文言象象二傳爲九師之言且謂說卦非聖筆不能作上下繫乃門人所述序卦直漢儒記爾蓋生聰明絕人未聞道而驟語數故其論經多失中然性使酒難近又好訐人陰私人面頸發赤不顧罕有從其

學者唯國子簿吳浚進士彭復樂師之浚不卒業復  
屢受唾斥不怨生將通時召復至口發劄手布籌雖  
平昔所靳若終身不示人者一舉授復復後又授鄱  
陽傅立云或曰生瀕死語女曰吾死後一月中朝命  
山姓烏名使者來徵吾及傅立立當過子門汝可出  
藏書示之立當以此致大官後皆如其言所謂山姓  
烏名崔鵬飛也生所著書有元元集歷髓星野指南  
象喻統會聲譜畫前妙用數十萬言今猶間傳於世  
贊曰

卷三十

宋學七集

十一

退補齋  
藏板

龍圖成章有文從衡以濬以明以洩其藏以奠乎元  
黃昔我素王章編三絕墜緒微茫誰其我綴我參我  
腴九師襄之我苞我晶百氏攘之如河之渾如暄而  
昏如治絲以棼天未降割一髮攸存維洛有士居於  
百原超神冲漠凝於畫先數往知來小大斯甄莫峻  
匪厓我陟其顛莫深匪淵我淪其泉簡材以畀非隱  
弗傳有冥者冢卒昭以宣或得其牘載神於言炎炎  
宋錄維其訖矣長星蝕柳色之赤矣管祥兒徵士髮  
亂矣朋昏以世莫之戚矣魚在在鬻尙其息矣維生

之知中如沸羹彼惛弗知覆謂我狂我狂如何我憂  
孔多我山我河我用弗磨俾淪胥以訛我酒既嘉我  
瑟又和我寧不嘯歌北風其涼旂旒央央我車龐龐  
蕩蕩江流杭之如陸有腥其穢流血沃沃海氛方殷  
其何能目人有恆言風雨漂搖夏宇障之涉於大川  
烝徒楫之楫副字橈予予焉依國武斯墜不知攸戒  
日隕弗升雖晝作夜鴉舞於林鬼瞰於舍孰投是艱  
曾莫之艾乃怒乃驚乃瞻乃行乃邁死於冥眈生之  
爲胡乃神以著微之古聖匪程伊度何以言之卒淪  
於數一曲之淹不通其故易道旣泯數亦不類激贊  
於生發我長喟月出皎兮在天之心在天之心何古  
何今

余自幼卽見長老談溟滓生事近見李淦性學及  
戚光子實所造文又知生爲詳以生之精藝如此  
而修采史者不列之方技傳中殊可恨也故予愍  
之特序之又傷易道之微激而贊之惜乎予文蕪  
陋不能永生也然予情亦至矣濂志

采苓子贊

卷三

宋學子士集

三

退補齋  
藏板

樂陽鄭仲德有隱操嘗采苓九藍山閒因自號采苓子斯贊之所由作也贊曰

彼采芝者肥遯之士嚄噉霞外不容纖滓白日入懷涼颼泝檻高視一世何慮何營

匡山居士真贊

紫眼有稜足以洞視千古長髯如戟足以畏讐百王或建大將鼓旗而殄殲於妖沴或被處士冠服而容與於雲林可顯可晦載浮載沈壹委順於外物初無累於貞襟縣干尋之丹厓莫踰其峻瀦萬仞之重淵罔測其深抱忠義之志而耿耿自信所謂不變不改若百鍊之精金者邪

曾侍郎像贊

身形之瘦弱也則山澤之臞精神之凌厲也則列仙之儒博極諸書而守之則約智周羣類而處之若愚當議禮而考文較損益於錙銖稽百王之軌典翼一代之鴻圖豈非養德之腴造道之樞而爲國之耆艾邦之著龜者乎

章判官像贊

卷三十一

宋學士集

四

退補齋藏板

唐福州軍事判官章公修實檢校太傅仔鈞之父也  
其遺像至今蓋四百餘年矣二十世孫御史中丞溢  
偶於閩中購得之如獲至寶持以示其友宋濂因爲  
作贊贊曰

器局深沈容儀嚴肅吁嗟哲人如金如玉餘慶所被  
孫子若雲重珪疊組至今揚芬

四十二代天師張公像贊

含冲葆虛執眞之樞翊度宣靈契道之符龍虎衛乎  
左右風霆屬於指呼此古之博大眞人而今之列仙

卷三

宋學士集

五

退補齋  
藏板

之儒者邪

趙使君像贊

宋之王孫元之循吏才優識明政通民治未老而歸  
臨難不貳懦夫觀之可以作氣

趙子昂像贊

文運中微頽波口靡公起東南作天一柱天人之表  
帝王之孫麟游鳳翔珠明璧溫歷試中外遂居禁密  
其名之升與日同出彼儉邪者腐鼠敗豚何能病公  
臭穢自聞三百年間西東萬里雄鳴一代如公者幾

公貌如玉公文如金變化莫測照耀古今

李太白像贊

元行臺治書侍御史亦憐眞班所藏李太白像係祕閣傳本吾友危君太樸嘗爲之贊自後流落於金陵駱氏酒家洪武己酉秋郡士王宗溥購獲之尋以摹本見貺因造贊曰

長庚降精下爲列仙凌厲日月呼翕風烟錦衣玉顏揮毫帝前氣吞閭豎視若烏鳶頓挫萬象隨機回旋金童來迎絳節翠爐下土穢濁孰堪後先飄然一笑

卷三十

宋學士集

六

退補齋藏板

騎鯨上天

傅同虛像贊

將求子於外兮則鍊精於三田欲索君於內兮則游神乎八天是皆窺見夫粗迹而未能暢達其眞玄高岑兮谷綿白鶴舞兮蹁躑豈非長跨於洞庭之野吹瓊管而招飛仙者耶

宜春夏都事遺像贊

以忠字尚之

其才孔良其氣則剛沈潛乎仁義之府嚅噤乎禮樂之場窮春秋而寓袞衿法菽粟以爲辭章使之專城

而居則可以攀次公之黃使之入直鑿坡則可追文  
成之張胡爲乎低回下列莫展一長託使車以遐覽  
竟仙遊於五羊豈謂於人者難知而信於天者不亡  
後千百年剛風鬱湧當見騎麒麟而下大荒者耶

元英處士方公遺像贊

子學子方孝孺元英處士之諸孫也持處士像來請  
贊贊曰

振騷雅於江南混漁樵於玉笥諫垣天近雖屢形州  
牧之童牛衣夜寒終不奪烟霞之志凜然亢直之風

卷三

宋國子士集

七

退補齋  
藏板

可折詔諛之氣遵眞曜之遺則造元英之私諡准其  
畜厚而發弘所以繼隆而傳熾紳笏蟬聯勲庸赫著  
蔓延閩浙之間莫匪雲原之裔敢申贊辭式昭瞻企

王宗普像贊

以子爲貴介公子耶何其神清氣和無綺紈之態也  
以子爲仙翁釋氏耶何其與時俯仰遊乎方之內也  
以子爲詩人韻士耶何其清奇勁直訥然而謙退也  
然則果何爲者耶蓋跡混乎三者之中而心游乎埃  
壚之外此吾嘗謂空同子以古之人而處乎今之世

也

### 危雲林像贊

文繼虞歐之盛位居廊廟之尊天下譽之而不為喜  
眾人毀之而若無聞此公所以為大雅之君子傳百  
世而長存者乎

### 王指揮像贊

真人龍興山川降精仗劍來從莫非豪英維時王公  
實將家子虎吼鷹揚萬夫披靡成功錫爵遂鎮一方  
弛其武威佩玉冠裳何以觀之有煒其像益懋厥勛

### 配古良將

卷三十

宋學士集

六

退補齋  
藏板

### 蘇都事伯夔像贊

子由後  
平仲父

才足以行志智足以成事也苟盡施於時必有大過  
於人而得位以行者僅出其一二也年齒之高林泉  
之趣皆公之所宜有固天報善人之所致也惟有子  
之甚賢以文鳴於治世足以繼絕學於前人揚休聞  
於不墜也此吾嘗私為之善誦長公之言擬公於晁  
氏之君成而知其無愧也

### 自題畫像贊



廣陵孫生貌予真人皆失笑謂無不似者因題其右  
辭曰

似柔而強如愚而明辨駁百氏寤寐羣經千載之長  
一世之短前武儼然吾敢不踐

又

吾心與天地同大吾性與聖賢同貴柰之何隨於曲  
學局乎文藝忘其眞實之歸溺此浮華之麗顛墮於  
得喪之塗眩惑於是非之際縱濫廁於大方曾不離  
夫小智靜言思之幾欲賈涕奮自今以爲始日載惕

卷十

宋學士集

九

退補齋  
藏板

而再厲有如升嶽者當極於崇巔辟若改火者須資  
夫新燧期融通於高朗誓疇治其蕪穢用致知爲進  
學之方藉持敬爲涵養之地續墜緒之茫茫昭遺經  
之晰晰雖任重道遠必篤行而深詣庶幾七尺之軀  
不負兩間之愧爾其勉旃以終厥志

越國夫人練氏像贊

有序

天地之大德曰生夫生者乃天地之心雖陰陽之所  
運行有開闔慘舒之不齊然天地之心生生而弗息  
者恆循環於無窮有如碩果不食則其生道已具其

中俟時發榮挺然而莫之遏矣時至五代用兵爭強屠戮逮乎雞犬是天下極亂之時蓋無復人道有能於其閒不爲氣運之所變遷而一念之仁有以契夫生生不息之心則其感召之速所以敷遺於後人者其澤曷有既哉閩之練夫人諱篤建州刺史章公仔鈞之妻也生而肉髮深沈而端毅終日或不一笑言且知識有絕人者時閩王命公屯兵浦城之西巖南唐盧將軍帥師來侵我公遣二校請師於州失期將斬之夫人勸曰時危民不靖公奈何斬壯士公悟不

卷三十一

宋學士集

三

退補齋藏板

問二校逸入南唐皆爲大將一則金陵邊鎬一則上元王建封也保大三年二月南唐遣江西撫安使查文徵伐閩取建州鎬爲行軍招討建封爲先鋒橋道使奪其險要已而建封突外郭八月甲子克之公歿已久獨夫人猶存二校遣使者持金帛遺夫人并以一白旛授之曰吾且居城夫人宜植旗於門吾已戒士卒勿犯矣夫人反其金帛并旗弗受曰君幸思舊德願全此城必欲屠之吾家與眾俱死耳不能獨生也二校感其言遂止夫人之子一十五人孫六十八

人多躋顯仕而其後人繩繩相繼位宰執登法從歷  
卿監佩守令之章者殆百餘人嗚呼何其盛哉非夫  
人有以契夫天地生生不息之心則其施報之厚未  
必若此之至也原夫人之心渾廓昭融不限封域視  
一城之生聚不翅如一家真有所謂仁者之量歟農  
以類大易之旨也夫人之後其有不蕃昌者乎其有  
不絢著者乎昧者不知天之未定謂爲善無足倚是  
則天之生生之道絕矣夫奚可哉夫人二十世孫存  
道以遺像求予贊予旣質諸傳記以序夫人之事而

復爲之贊曰

卷三十一

宋學士集

三

退補齋  
藏板

懿彼夫人生於七閩肉髮有倫靜毅而莊動循厥常  
女士之良笄而有歸建州之妻其德與齊建州桓桓  
旛旐繙繙以拒建關將固我城必集我兵移書以徵  
二校言旋何期之愆絕首以懸夫人曰吁乾坤創夷  
壯士勿誅逸之使奔遂爲唐臣建旆而軍爭城以攻  
火旗晝紅陷其四封二校有云使鬼爲人夫人之仁  
曷其報之曷橐我私曷授我旗旗植於家有突而譁  
我劍之加夫人曰吁是城卒屠我生何爲有眾若林

昔而斧砮今而謳吟夫人之亡其魄已藏其澤愈湧  
傅紫襲龜霧滃雲迷被於今茲遺像儼然萬目斯瞻  
曷取則焉

黃氏三壽圖贊

浦陽合  
溪人

資善

身安而家裕者人之所欲也藏智不用而厚重有餘  
者天之所福也君有以契乎天故不求而自足也超  
乎寵辱離乎毀譽而游乎物表此人之所難能而君  
之所獨也

資深

卷三十

宋學士集

三

退補齋  
藏板

智足以燭理而加之好學敏足以蒞事而本於無私  
事長不以和樂勝禮馭下不以慈惠傷威行乎家庭  
春溫而秋肅著乎言行方矩而圓規斯學者之所難  
能苟謂之篤行君子其孰以爲非耶

資文

人知其外之偉而不知其內之美知其才之豐而不  
知行之崇是蓋質而不二和而有禮介而能通者也

龍馬贊

有序

西南域自昔出良馬而產於羅鬼國者尤良或云羅鬼疑卽古之鬼方其地有養龍阬在兩山之中泓渟齋深開闔靈氣而蛟龍實藏其下當春日始和物情酣鬯土人立柳阬畔擇牝馬之貞者繫之已而雲霧晦冥咫尺不能辨色類有物蜿蜒上與馬接蓋龍云逮天色開霽視馬傍之沙有龍跡者則與龍遇謹其芻葷而節宣之豐產必獲龍駒焉粵若洪武四年六月壬寅夏國主明昇以全蜀降獻良馬凡十而其一色正白乃得之於阬者身長十有一尺首高九尺足

卷三十

宋學士集

三

退補齋藏板

之高比首而殺其二尺有肉隱起項下約厚五分廣三寸餘貫膺絡腹至尾間而止精彩明晃振鬣一鳴萬馬爲之辟易韉勒不可近近輒作人立而吼上謂天旣生此英物必有神以司之親撰祝策詔有司以牲牢祀於馬祖然後勅典牧副使臣高敬囊沙四百斤壓之人跨囊上使其游行苑中久之性漸柔馴適八月癸巳上將行夕月之禮於清涼山壇上於是乘之而出如躡雲而馳一塵弗驚皇情悅豫賜其名爲飛越峯復命御用監直長臣馬晉臣繪其真形藏焉

臣濂稽諸載籍漢之元鼎中有神馬出渥洼水中馬  
之生於水者尙矣養龍之說雖相傳於外國要當可  
徵不誣也肆惟皇上以大德而位大寶日之所出日  
之所沒無不梯山航海獻寶奉琛邇者獨角之犀來  
自九真食火之雞貢於三佛齊之境其他侷形僞狀  
藉藉紛紛且不一而足而況茲水產之龍馬乎周書  
有云不寶遠物則遠人格所寶惟賢則邇人安皇上  
宵衣旰食日懷保於小民巖穴之士蒐羅殆盡將圖  
治安如黃虞時其遐荒殊裔珍毓奇產未嘗有心求

卷三十一

宋學士集

詒

退補齋  
藏板

之所以榮光休氣洋溢中國仁聲義聞充洽八表而  
龍媒之異自致於天閑十二之中揆之於書前聖後  
聖蓋同一軌轍也其視貳師之遭黷武窮兵以索諸  
大宛者果爲何如哉臣濂以文字爲職業際茲盛美  
不敢默而無言謹述贊辭一首以貽諸後世贊曰

天駟熒蛟龍升靈泓澄神馬生祥飈瑞靄晝杳冥天  
一翕聚通精靈龍胡盈鳧臆輕竹披耳鏡懸睛花雪  
捲毛光照夜汗溝有血霞流赭振鬣鳴萬馬驚閃流  
電逐飛星九霄彷彿從龍行但聞瀟瀟風雨聲三川

平八極寧真龍媒獻龍廷出入天門駕龍駟太霞五彩滿瑤京皇風清皇道貞皇威明茫茫堪輿內孰敢不來庭陋彼漢將軍空圍貳師城乃知天子在樹德不必連年徒用兵

墨鞞圖贊

建安蘇照爲學子黃叔暘作墨鞞圖侑之以竹石豈以其氣節之相同歟禁林散吏宋濂爲造贊曰

我本中黃鐵爲肺腸精神外章不自知形貌之黝歟綠竹猗猗白石瑳瑳貞而匪阿斯爲月下之友歟萬

卷三十

宋學士集

五

退補齋藏板

色齊冥洞察物情雖暗而明豈陶令沈昏而託之酒歟

陳方都督像贊

桓桓俊英矯矯虎臣心雄萬夫才佚三軍爵列崇階功在盟府圖像雲臺流芳千古

李徵君像贊

嗜義親賢以道自娛懿哉若人君子之儒

虎林處士贊

虎林處士王君年踰七十而視聽如少壯時其

孫監察御史驥從予受經者久開來請贊贊曰  
素髮垂垂中心熙熙儉勤作肥家之本嚴厲爲馭眾  
之基好施之仁久而彌篤嫉惡之氣老而不衰吹鳳  
簫於明月之夜飛羽觴於百花之時大布寬衣容與  
委蛇不知者謬稱虎林處士知之者以爲瓊臺之神  
仙乎而

華嚴經贊

有序

上人幻滅嚴持梵行欲求無上真如之道嘗自念言  
華嚴大經實中天調御第一時所說一乘頓教化爲

卷三十

宋學士集

五

退補齋  
藏板

尊勝欲爇松爲煤入以香藥搗和成劑以書此經而  
彼松煤者假物所就具黑暗相有染白法欲煨汞爲  
丹承以空露研潤如法以書此經而彼汞丹者炫耀  
可觀能育人自非勲道者欲推赤金素銀廉薄如紙  
復粉爲涯以書此經而彼金若銀雖曰重寶外塵爲  
體初不自內以是思惟身外諸物若勝若劣若非勝  
非劣若一若多若非一非多皆不足以稱此殊利繼  
我一身內而心膂肺肝外而毛髮膚爪資血以生資  
血以成資血以長資血以至壯老暨死是則諸血眾



生甚愛如梵摩尼一滴之微莫肯捨者我今誓發弘願於世尊前以所難捨而作佛事從十指端刺出鮮丹盛於清淨器中養以溫火澄去白液取其真純蘸以霜毫志心繕寫滿八十卷尊閣益壽禪居昔者樂法比丘當無物時欲聞佛語了不能得乃信婆羅門言以皮爲紙以骨爲華以血爲墨願書一偈況今百千妙頌十萬正文不止於一縱捐軀命以報佛恩無足爲異於血何吝唯願法界有情或見或聞證入雜華藏海證入雜華藏海已卽得六根清淨得六根清淨已卽得自性清淨得自性清淨已卽得四天下微塵刹土中一切眾生皆悉清淨無相居士未出母胎母夢異僧手寫是經來謂母曰吾乃求明延壽宜假一室以終此卷母夢覺已居士卽生今逢勝因頓憶前事於是親爇五分妙香香雲輪囷結爲寶網徧覆經上乃復合爪向佛散華作禮而稱贊曰

雜華淨智海九會之所說一音所演唱十處放光明信解行證門總攝無復餘如是具五周如是辨六相如是分十元妙義皆充足以至四法界二十重華藏

無邊香水海教條有差別性相了無礙圓融與行布  
非異亦非同一可爲無量無量亦爲一重重無有盡  
是爲功德聚如來最上乘龍宮所秘藏上人出身血  
嚴飭書此經於一滴中中普含十方界於一一界中  
普現光明臺於一一臺中普成獅子座於一一座中  
普見分身佛如上無數佛皆具大威德肩闢白毫光  
徧滿一切處共宣大乘法聞者應解脫譬如日月生  
照三千大千悉見種種色法能破暗故譬如大洋海  
波平乃如掌無丘陵堆阜法能平等故譬如陽春至

卷十

宋學士集

天

退補齋  
藏板

大地盡發生諸根各萌芽法能霑溉故譬如梵志夢  
一夢千劫事不過刹那門法能融攝故譬如子憶母  
未見心已至形神皆兩忘法能無離故譬如黃金色  
金色不相分金亡卽色空法能不二故譬如石性堅  
初不從外得石性自圓滿法無修證故能如斯見解  
見經不見血若加精進力見佛不見經及至成道已  
見性不見佛我性如虛空了無能見者無見中有見  
全體卽呈露苟執於所見亦非我本性見見二俱泯  
此爲眞見見眞見復何有性本無物故一心歸命禮

祇夜以爲贊諸妙樓閣門彈指一時啓

大還龍虎丹贊

有序

卷之

龍虎丹贊爲予友鄭源氏作源因讀金碧古文龍虎上經有悟大還之旨用之修練節節有奇驗復以其圓祕也請予白之作是贊贊凡四章

苞乾靈一

人身苞精氣妙與元化并一神管攝之鉛汞各流行神所棲止虛實爲天地中闔闢類兩扉循環不竭窮廓然合冲虛獨立不以形是卽真息根強名帝乙庭

卷三十

宋學士集

元

退補齋藏板

靜極必自顯內境垂白芒或想爲連環無乃喪其常

幹化紐二

凝神入紫虛冲然抱一居青龍鬱上升白虎爲熬樞牝牡旣相從蒸潤如流酥鄴鄂一以固溫養成子珠銷霞離中陰坎陽復來隨純剛號爲乾潛躍契道符鬱羅蕭臺中服霞漱雲腴閱歷無窮年永共漠滓俱

考火記三

鼎爐乾坤樞匡郭水火魂戊已居土官一氣中夜存火候十二時暮蒙復朝屯專氣而致柔綿綿日相因

刑德務並進文武須錯陳薰蒸洽太和天機益神淨  
三元與王氣一一返其根後天不能彫長爲萬象尊  
稽曲徵四

三千六百門盡隨魑魅場雌雄鑄爲劍日月吸光晶  
尾間閉元液九鼎運女英三遜及五假八石巧煎烹  
如此之舉措難可一二名陰魔奪人命遺屍莽縱橫  
寒飈動羅鄩時有鬼嘯聲方知涉有爲不可學長生  
觀音石贊

虎林翁君祥卿得圓石一大可五六寸上現圓通大

卷三十

宋學士集

三

退補齋  
藏板

士妙巖寶相坐寶蓮華善財童子合爪侍側蓋大士  
住不可思議解脫門能以神變作諸佛事攝受眾生  
大則示化身於陀怛洛迦山小則寄影像於一木  
一石不假人爲自然天造無非自慈愍中發現祥卿  
因請濂作贊以顯神功以示闡提生我慢者贊曰  
元黃旣肇分白石卽受質斯時未有佛云何能應現  
千劫皆佛化難以時節拘劫初與劫終常居寂光土  
石本無情物其頑無與等初無感通者云何佛示像  
微塵刹土中塵塵皆是佛有情與無情本來同一體

諸佛亦無數動曰那由他云何圓通佛獨此示神變  
圓通於支那夙有大因緣所以不會捨如母之憶子  
如來談諸相皆是虛妄集云何自着相曷以釋迷網  
由相以悟性正如指指月見月指則忘寧有繫執故  
以此四者觀唯知佛願弘聖凡盡融攝調御菩提心  
假石顯云異超出思慮表既非圖繪力又匪鐫勒功  
幻成妙巖相七寶作瓔珞瞋目結跏坐正以慈愍故  
用警闡提者徒爾增我慢當知神通力乃復有斯事  
始悔未見時口出不淨語如仰首唾天唾還着面故

卷三

宋學士集

三

迎補齋  
藏板

愚癡誠可念寧忍加斥逐我願大地人無不知三依  
見石非見石見佛亦非佛但見無量光各自心中發  
徧照十方界明如日月燈十方諸品類盡得諸佛智

